



拜石山
房詩鈔





序自難識
夫陶詠之適妙涵聖涯湛澹之思必稟靈昇小夫駢淺罔
闕戶麟神禪者難語采真之游竒胲者不無罽駕之累卽
有辨華自擅被飾厥文而瓠壺中麤肉鴨無骨奚翅減穀
均爲亡羊雅聲遠姚繁我家督伯兄精秉絕跡媚學夙成
士之魁株衆所彥詠少事瑀瑤載歷二九叢其著錄嬾然
葦然習與境深變而日上象勺之歲翔泊家衙天咫玉格
環流等身其所撰述才過其理百色妖露膚寸雲合蘭薰
雪哲擬其姿神金陵玉海足標風骨是爲少作什登一焉
弱冠以還形影逐走一窺京雒再涉齊魯窮鵲枝短勞魚
尾頰緇謳所生必於斥苦羈屑之感激爲商聲沈寥古愁

蒼莽竒骨長鋏拂袖獨絃賣名九州無徒抗灋在古十稻
八米舉其蕭稂五雀六燕無爽錙黍寧觚爲皂不園爲卿
家窮萊蕪辭富胸邴比方鼎什若前魚焉吳根越角逋蕩
再棋風波寄生鳧雁覓食胸春未輟腸輪不腴結荷棧石
寄大雷之貧辛讒醜佞魑賦玉溪之物恠繁絃激軫淒惑
上靈修蛾卸綠澹結四愁翔鸞實葉中泊羣怨感乎無形
如鼓泰帝之瑟游乎衆虛如運屠吐之刀頡頏作者非但
不媿吾家奕葉經彥人多高烈檀橋瓦屋士慕元靖之門
白楊石井人識真長之樹爰自總角同遭孤露篋研泣捧
楹書煙漂疇業靡家林可筮庭訓與簾金俱盡函席師友
克自鏃礪六詩三筆秉帚弟之誥伯淮季江均肥瘦之澤

而兄決科發策首舉孝廉束髮志學本殊科名文艷用寡
宜雪斯語信在區蓋當不河漢弟小才耗道中士勞形孝
標不博每求異書之遴屬文多學古體繕校卒業輒貢獻
言春草入夢旣序西堂之詩槃木登歌行編東觀之集謹
爲前馬諭之後車嘉慶庚午長至從弟蘭厓翊謹敘

謝不與... 宜書... 而足...

拜石山房詩鈔卷一

錫山顧景翰兼塘無題

遊石門小憩三茅峰下

翠壁如削成天巧謝斤斧荒厓閱幽寂洞靈茲牖戶石氣生清寒松陰正亭午風泉答霄籟箏瑟無此古中有巢居人高棲在雲塢往來能鍊形食柏不言苦解衣坐磐石散髮騎猛虎我來躡危梯遠想盧敖步中林若有人絕壑終何覩玉笥無丹經苔隙新詩補

芙蓉湖春泛

同遊三兩是知音只典春衣不典琴穩坐畫船如屋裏倒看黃埠出波心梅花與酒量多少山色和烟較淺深到處

飛來詩意思祇須拈得不須尋

同遊三族祖晴沙觀察輯梁溪詩鈔成瘞其贖稿於錫山

英之麓立石曰詩家好事者繪為圖爭詠歌之余

何遜王僧紀其事得五古一首

梁溪溯詩老洵是英髦囿大雅扶風輪羣才紛藻繡雄長
爭一時趨步或先後淄澠雖異流丹素終雜糅吾宗響泉
翁詞壇推領袖解組三十年遺集恣蒐購瑤林擢荒穢一
一振鴻秀選樓既登屐束閣難悉究徐付鑿楹藏亦豈盡
賢胄與其終散佚曷若置雲岫墨食茲山椒貞吉見卦絲
輿至雖汗牛義勿悖邱首慧嶺烟翠封名泉玉華漱無取
諛墓文幽扃五音奏含殮愁金錐誰能發其覆

山下晚步

雨洗清秋出尋幽芒屨穿徑隨流水曲聲到塔鈴圓紅葉
埋詩冢青山入畫禪晚晴如可賦試仿杜樊川

水仙祠神絃曲

吹鸞簫擊鼉鼓芙蓉為城水為府古祠日暮風吹雨幽幽
脩脩鬼私語神之來兮撓桂旗驂兩龍兮從文螭飲清醴
兮餐華芝心正直兮何所私羣肅拜兮成行紛筭卜兮滿
堂為民除暴兮祓不祥歲豐稔兮長樂康

雲澹澹兮如羅水淺淺兮生波夜何其兮未央翠旂兮相
摩華燭炮兮香氤氳神之去兮騎素鱗繫余襟兮明月珠
錯余履兮珊瑚塵醜蘭醕兮漉漉豹尾低風兮吹畫竹平

灣千里水花腥蓮亞秋房迎曉綠

自題看劍圖

處世貴藏鋒休矜利刺鐘好憑三尺水流影照芙蓉
生平薄遊俠不入五陵原老去蒼山裏靈峰拜白猿

篆刻歌贈孫耘石茂才

官不必執金吾妻不必陰麗華但願負郭二頃田可給饘
粥兼絲麻安能俯首守筆研形容有類餓夜叉孫郎耕石
還種石好為其難真可嗟黃如琉璃白如玉區分有若芋
與瓜磊磊不足充寒厨晨炊無米日欲斜銀刀刻處似楮
葉追倣斯冰成一家或如細蠶露丁尾或如老蛟森角牙
試以琅玕碧色紙蔚藍天上飛仙霞投我署名一小印重

於尺璧載滿車置來筵上詎敢褻襲以古錦障以紗奈我
不能書十指酸歛紫薑芽負此螭文與鳥篆何異明珠委
泥沙綺紋繡段不足報愛我作詩如嗜痴勉成百字字艱
澀如種出火耕新畬

梁溪兩貞女辭

貞女未結褵顏色如幽蘭雖則如幽蘭嚴霜忽已殘連蜷
雙蛾眉寒烟吹慘綠有淚洗梅花無言倚脩竹黃泉杳碧
海夜夜號冤禽安得三春暉鑒此寸草心媒媪昨入門嬋
娟今日死渺渺芙蓉湖明明月在水

貞女彭氏吟香妹少
字同里王氏年未及
笄而王氏子歿貞女聞耗
痛哭誓死未逾年而卒

貞女未結褵顏色如桃李雖則如桃李春華忽憔悴堂上

拜舅姑舅姑淚已枯房中見小姑小姑哭烏烏誰言女初
嫁未嫁身已寡淒雨黯銀燈冥冥若泉夜香塵金雁壞漆
壙玉魚涼墳上鴛鴦草春風裊帶長貞女馬氏字誦光雲
題次女少字同里丁
生年未及笄丁生歿涕泣不食
父母偵其意以歸於丁未幾卒

房中曲

辛夷垂紫房倒挂憐么鳥會尋乾樹雞暗賭花鈿小鴛鴦
雙錦段擘作秋羅扇夢隔廣陵濤香篝為誰煖斜日畫樓
西不聞郎馬嘶殘粧和淚垢梳貌一生啼昔為連理花今
為拔心草寄語遠遊人朱顏易枯槁

屈柘詞

芳樹沉沉天漠漠十二屏山圍一閣東風徐來不動塵潛

向花梢撼鈴索西窗日晚梳裏遲眉彎綠瘦無人知熏爐
鵲尾越檀冷細烟作篆蟠銀絲簾紋窄地湘波直淺色裁
羅水晶尺畫闌紅浣海棠泥蛤帳春陰夜移瑟斜樓一層
高匝雲瑤宮花使傳氤氳琅玕百幅寫星子綠鬟抱問青
桐君平世漁人
堂前閒居
寂寂簾垂地新愁兩髻知春寒多釀病暮雨不宜詩爐愛
香存性瓶憐花折枝關心看蟾子屏角有蟲絲

青天夜滴蟾蜍淚古魄團團玉烟淬綠蠶貫斷金鳧愁一
葉秋荷寫生翠冰輪端正月停空繡幌珠簾涵影中寶篆

香銘三十二似傳照膽出秦宮當年乾德蒙恩賜尖角羅
巾爭巧製想見媼娥倚艷粧瑤奩半啟安黃子吳棉拂拭
膩粉光武擔白石遙相望東風不醒蜀山夢樓頭曉日春
茫茫

卮酒行

堂前鳴瑟堂下擊缶堂上有嘉肴又有旨酒主人勸客酌
此銅斗吁嗟人無百年壽今日升華堂明日上北邙人生
若駒隙白日雕景光蜿蜒燭龍走東海羲和如鞭土牛背
逍遙遠遊兮不如早還長笑出門兮不如閉關君不見北
風塵土高如山奈何不飲酒坐令銷朱顏

題蒼茫獨立圖

朝吟少知音夜吟徒苦心出門莽男兒俯仰悲古今如何
方寸間受此萬慮侵急湍無潛魚風柯無息禽野雲行于
于千里爲之陰塵土不在路只戀遊子襟霜雪不在天只
滿遊子簪獨坐兀自嗤獨飲還自斟獨立蒼茫間寄情遙
且深

夢天

朝遊呼林央夜遊呼趾離雲螭天矯令我騎天門手欸青
琉璃梅花一枝贈天帝媵以羅浮白鸞尾紅衣小兒在帝
旁見我上天謂我狂推墮丹梯一萬丈使我仰視雲茫茫
須臾天使傳天語命我千年更歸去我憑天使還謝天何
妨更謫三千年讀盡琅嬛之書委宛篇勝作天上曹懂之

神仙... 天題畫... 曉粧纔罷捲簾遲無限韶光上髻絲一夜春寒花骨脆峭
風吹下小桃枝

唐孝女行

孝女名素居邑之惠山善丹青矢志不嫁
餘矣邑侯姚半塘先生為之請旌於朝有折枝花卷題者甚眾

東家西家彼妹子小時憐母大憐婿羅襦繡作連理花纖
手停鍼碧窗裏唐家有女調鉛脂眉不必畫脣不必施面
亦不必醜腕底肅肅生春枝桃花堪作糜杏花堪作酒菊
花可延齡作餌為翁壽老翁白髮披兩肩持畫易米兼得
錢日以丹青當甘旨以遊以飽終餘年翁雖亡女不嫁二

泉之旁九峰下北宮嬰兒此其亞

送春

春來不言去不辭送春但見花辭枝不知春去有何恨滿
地斑斑紅淚絲恨煞南風怒如虎倒捲塵沙作黃霧枉教
闌角豎珠旛悔向樓頭催羯鼓春光九十歲歲同花開花
落相始終但看無風花亦落花自薄命何關風風前餞汝
一杯酒春去匆匆莫回首但願明年春又來花前綠髻人
如舊

雲水暮悠悠紅闌舊驛樓風傳瓜步笛潮送海門舟樹色
山連郭江聲夜變秋星星燈火影依約認揚州

手尋斷岸江流漲舟子清晨作吳唱推篷兀兀擁衾坐紅
日初浮早潮上海門曉色天冥冥不知誰熨匹練平名山
傾蓋如舊識迢迢作勢來相迎滿江風色迷遠市小艇瓜
皮疾如駛早看山寺僧呼渡帶得鐘聲渡江水江流一折
見一峰一峰向西一向東懸厓峭壁皆倒插水亦翠綠如
青銅我疑神女盤雙髻影墮江水空明裏至今萬頃玻璃
中化作蒼烟收不起片帆可惜不得停辜負數峰江上青
何時手汲中冷水來讀山巔瘞鶴銘

北固山

山勢欲渡江疊巘枕江滸金焦若駭斬鼎足相撐拄岩巖

衛公塔四角風鈴語忽涌琉璃雲踈踈馬鬣雨我欲傾天
瓢徧地灑禾黍神功有魁柄未必天心許請傍海嶽庵香
茆結精宇

郭璞墓

當流一石森杳冥江流折處三泖渟人言下葬白鼉骨水
氣尙帶蛟龍腥尋常漁子不敢泊魚頭人立時現形昨宵
月黑吁可愕出水甲仗朝金庭我來釃酒澆醜醜斷碑剥
落留殘銘精靈水府怪寂寂濤聲戛石鏗危聽得母旣朽
骨不靈沉沉水魄無由醒寶書萬卷長幽扃鮫匣繡蝕苔
衣青回頭飛雨吹吳舸羽衛髣髴烟中停劍花摩盪水底
星魚膏火綠風熒熒

莫愁湖

蕭蕭木葉水增波三尺涼漪沒菱荷花底洞簫初罷曲風
前團扇記徵歌酒帘何處書青紵紙閣無人補綠蘿留得
畫闌紅一角六朝金粉已無多

題扇

彷彿西陵路重逢油壁車故園荒薜荔秋水病芙蓉
行行雁書箋尾尾魚芳塘傳白府常自閉門居

景陽宮井歌

月輪未墮高高天西宮曉漏聞銅籤轉轡手汲井華冷玉
虎斷絲沉瘦烟細刻文鱗排甃石峭寒徹夜銀繩直起勻
素面試鉛霜色映頗黎鏡花白青驄飛入建陽門一脉幽

泉帶淚痕林中妖鳥作春夢枝上鬼桃飄豔魂後庭寂寞
人初去江上琵琶怨商女不見當年金畫闌枯苔紅殺臘
脂雨

棲霞寺題壁

古穢枯僧坐杪樞樹影涼佛爰尋墜果梵鳥踏空香泉響
鉢池小烟斜石塔長布金憐舊地碑碣溯齊梁

登燕子磯偕丁湛之秦朗山蘭厓竹畦兩弟同賦

得七律二首

秋氣蕭疎滿葛巾林巒深秀隔風塵幽篁野寺招山鬼古
木荒祠拜水神百乳雲泉涼作雨數叢霞石豔於春記逢
窈窕烟江上日暮峰如擁髻人

拜石山房詩金 卷一
松門流水響涓涓六代繁華弔冷禪遊子衣裳霑翠濕僧
房鐘磬出雲圓梅林香遠惟延鶴柳影青踈未斷蟬回首
孤亭烟樹杪半帆斜日上江船風飄回棹浪卷山嵐古

蔣侯祠

短掖依鍾阜椒泥剝落紅亂山埋夕照野樹起悲風青骨
官猶小丹心鬼亦雄荒原無虎跡收捕賴神功

古詩林秋日書懷四首

鶯花南國太匆匆身世天涯劇轉蓬孤館淒涼懷舊雨
衣寒落怕秋風斧斤不赦孤生竹霜雪偏欺半死桐不是
命宮磨蝎在豈應俯首老雕蟲
泱泱春泉酒壓槽當年跳盪軼同曹腰間寶劍芙蓉鏢身

上珠裘鳩鵲袍瘦馬嘶風秋草盡饑鷹睇野暮雲高只今
冷習消除盡湖海元龍氣尚豪

堂堂日月去如梭漸近中年感慨多十畝荒園今種菜三
間茅屋好拳蘿朝雲楚國新詞賦暮雨吳孃舊怨歌愁絕
腰圍無一把苦吟五字學陰何

漫說研都與鍊京敢言落筆掃羣英九疑對面誰能識五
岳當胸詎可平月裏山河殊落寞雲中雞犬各飛鳴只餘
兩版叢書在仍效昌黎守短檠

天香樓十詠

存八首

珠乳出雲根細溜界秋黛曼玉響春冰鳴聲若環佩
健鶻盤青冥馴鴿入幽邃泠泠天風吹鈴語答荒翠

春山碧如玉踈雨飛銀竹人語隔春烟簑衣一肩綠
雛松生翠粒嵌巖何了了瘦鶴如孤雲隨風落烟杪
扁舟乘晚潮菱葉綠雲淨片片劃秋漪斜暉入圓鏡
隔水市聲喧夜色在高柳黯水磨青銅烟槎上星斗
皓月升林端天籟若虛引古石坐橫琴松風汎瑤軫
流水短橋橫昏鴉棲未定垂柳綠纒烟絲絲挂斜暝

蘇州舟次丹陽

不須悲遠別風好挂帆行山色青將斷江潮白漸生荒烟
葛洪井落日呂蒙城此筆書遊記離家第二程

訪石曼卿墓

艤舟及雲陽散步登古岸驛前野草秋斷石橫一片遙知

詩人墓先掇寒芹薦先生抱幽寂本屬神仙眷梅蘇倡同
聲文章擅黃絹玉樓芙蓉城石室桃花縣上清纔小謫已
覺塵世倦飄然騎白驪高躅渺霄漢所嫌埋骨地青山亦
應選悠悠官道旁宰木遭薪爨願爲墓大夫架屋近芳甸
松杉好栽種榛莽爲剔翦他日從公遊羣芳冀分判

曉發黃家營

郎當郎當聽鈴馱前者唱于後者和出門曉月白漲天片
片霜華如雪大做裘一領薄於紙有似窗楞風刮破已恨
無絲自纏縛還愁作米供顛簸戍樓宿火明瓦鐙餅肆濕
烟生土銼却憶向時真懶惰花影半床人尚卧醒來欹枕
睡昵書婦子晨炊煮香糯我家雖無田負郭草草離家計

真左倘云奔走為饑驅逆旅何嘗少寒餓
車行何遙遙直上長河源北出燕關西雁門沙黃草白無

冬春落葉辭枝飄蓬無根浮雲四飛揚疑是萬古征人魂
鳴呼盲風吹山飛作塵何時吹轉車中人

燕歌行

燕山女兒工賣酒花下逢人笑開口玉醪滿泛金叵羅袖
底纖纖窺素手燕山少年不解愁連錢寶馬絲絡頭生平
恥與屠狗遊十千買醉酣高樓望諸已沒荆卿死世上誰
為報恩子君不見夕陽黯黯草離離前有燕臺後燕市

宿龍泉寺偕周筠雲上舍夜話

一盞琉璃火青熒古佛前眼觀無色界身在淨名天詩夢
醒秋雨琴心冷夜泉何時衣掃塔作伴禮金仙

卧病藤花齋呈楊伯夔上舍

一架閒房傍薜蘿悄悄小病似沉疴夢中得句全篇少枕
上懷人遠道多汗漫塵沙原朔塞蕭疎風景近秋河紙窗
月黑缸花死淒絕如聞子夜歌

客懷誰與致殷勤天末驚寒雁叫羣遙隔菱花窺曉月平
鋪蕉葉卧秋雲新詞懶譜紅絲瑟澹墨愁書白練裙豈有
酖人羊叔子一刀圭藥好平分

月夜訪四女祠

古殿碧雲暮小榜祠真妃香徑披幽蘭紫芽秋不肥日落

少人跡靈風吹畫旂手摹黃絹碑苔蝕篆畫微圓月破初
暝淺碧山四圍高松聲謾謾一鶴天際飛銀河耿無言幽
人儼來歸的爍仙霞姿佩繫雙明璣輕舉若烟霧縹緲蟬
翼衣仰視不可見三兩明星稀

伯夔於都中寄示夢遊洞庭詩詞甚豔逸作此和

之卽效其體

羽衣夜度湘山岑坐邀明月橫古琴冰絃不著十指彈隨
意寫作雌龍吟水仙倦倚斑竹林片雲歸去飛涼陰故人
知我江湖心製爲此曲無古今

將至青浦道出松陵買小舟渡蘆區湖水粼粼漾
月作金綠色兩岸蒲葦響絕惟聞艣枝鴉軋聲

時夜將半舟人歌吳歌嫋嫋於浦雲水靄間音
甚酸楚欹枕棖觸成一絕句

垂虹曲曲卧橫波兩岸香清橘柚多夜月松陵三十里令
人腸斷是吳歌

短笛吹殘倚柁樓此身只合伴浮鷗蘆花也有江湖恨一
夜秋風已白頭

中秋翫月作歌呈女兒羽素兼示蘭厓竹畦

中秋好月二十回幾回見月愁顏開少時癡騃不識月爛
銀團團使人猜姊妹弟兄紛逐隊雖未學吟先學拜每當
十五十六時看到三更四更外幾年家難多迤邐幾年離
別增黯黯前年風雨破佳節去歲此時遊燕川天公憐我

苦憔悴一鏡當頭淬鉛水星如蓮的皆倒垂搖蕩青冥作
秋海卷簾忽覺烟景微露華如雨斜行飛停琴小佇畫闌
曲青桂墜花香襲衣桂花本是前人種無奈前人已邱壘
金粟堆來一尺深憑誰喚起遊仙夢吾儕不飲飲不多遇
此良會猶蹉跎他日相思復相憶天涯地角將如何嚴城
登登打更鼓燭炧香殘夜過午酒酣忘却葛衣單拂袖尊
前醉起舞此時看月光模糊此時人聲寂若無滿枝棲鵲
忽驚起怪有隣笛來烏烏吁嗟乎月不長圓有時缺人生
安得無離別若使人生無別離除非捉住今宵月

桂花栗聯句

惠山桂花栗甘香特異每當八月爭買者一時價貴雜以他栗其味自別伯夔邀同蘭厓遊惠山煮食於春草堂作聯句二十五韻

昔聞靈鷲寺紅椳果貞木秋巖轉清鏡伯夔楊夔生子賈金飈

肅傳聞等風實兼塘顧翰不使留塵目飄瞥空繁花蘭厓顧翊瑣碎

墜鈿粟何時東門種伯夔來與淮南族連蜷結崇阿兼塘

拱翳晾晴旭離離垂駢實蘭厓纂纂綴團綠黃瑤未破礦

伯夔翠繭初上簇烟刺縮蝟毛兼塘露顆飽蛭腹肌理內

纈緻蘭厓皮相外樸橄後收應棘手伯夔禽饗不受啄并

翦旁搜羅兼塘長筵下敲扑畧同榛橡拾蘭厓差共羨芡

剥爪痕留嫩碧伯夔飽臝有餘馥盈盈嬌額露兼塘小小

兒拳握軟齧疑粉碓蘭厓晨炊勝香粥還同花漬蜜伯夔

但見匙滑玉親朋互餽贈兼塘商販相眩鬻訖或不滿杵

蘭厓裹時但盈僕粟零當八月伯夔量取動萬斛日乾茆

檐曬兼塘水沸蒸餛熟惟堪侶蹲鴟蘭厓豈異覩敗穀茲

香勝椒鬱伯夔茲樹非樾榭靈根灌名泉兼塘秀幹挺慧

麓詩成反招隱蘭厓去去幽厓宿伯夔

山中早梅禁體

竹聲蕭蕭碧雲暝一鶴孤飛萬峰頂陰厓積雪返不消凍

日無痕著衫影枝頭小綠生寒苔苔深只恐寒香埋絲絲

破鼻導詩夢花氣已撲春風來石闌曲折留人住一朵梅

花香一樹雀啁猶看嫩葢含虬根已被蒼流注林梢斜月

橫素門烟光澹畫江南春羅浮天遠不知路笛枝空外招

吟魂

昔聞題畫

當窗一樹影橫斜彷彿孤山處士家凍雀莫搖枝上雪好
融清水洗梅花

題施雪帆丈青山捫蝨圖

先生少年伎貫蝨浪跡風塵人不識髻毛半白顏老蒼脫
却青衫披野褐歸來畫作捫蝨圖草間趺坐如團蒲綠鬚
有物若蠕動旁人掩口皆胡盧或言君慕王景畧對客解
衣殊落落或言君效阮仲容笑謂紛紛居禪中先生聞言
但搖首雄談清談我何有閒吟幾首本色詩渴飲兩杯真
率酒生平志願惟青山春猿秋鶴相往還肌膚痒疥衣襪
襪雖未學仙先學頑我謂先生計良得畫裏烟林怪蕭瑟
倘能容我蝨其閒分曝茅齋半檐日

有所思行

稽古莫如桓榮好善莫若王公一經成名髮皓皓道旁取
笑多兒童鶴書蒲輪洵所重優養高年竟充貢金章偃僂
腰不勝祖帳東門鎖相送君不見長安少年白面郎生平
識字無半行上車不落爲著作姓名已入中書堂人生及
早取富貴安能點勘紛丹黃

留別楊春樵兼呈羽素女兄

故人攜手上河梁畢竟江鄉異故鄉沙渚魚荒浮落葉渡
船人去載斜陽功名寥落看驢券家世蕭條本馬坊最憶
三年同研席讀書樓近小橫塘

故園回首悵分襟何日烟波一棹尋千柄枯荷涼蛤吠十

圍高柳病蟬吟統統社鼓叢祠暮黯黯蓬窗水國陰真個
家山成越絕岸邊人語斷鄉音

過北山旅舍贈華秋槎司馬

一庵聊寄寓十載得閒身落葉飛羅薦踈花上角巾客因
謝事少家爲宦遊貧風月西湖好天教作主人

湖上卽事

麴院何殊小輞川新涼初試一聲蟬蕭蕭蒲葦濛濛雨只
聽拏音不見船

水作鞦韆紋軟綠鋪數痕乾雪點春鉏倩誰翦取鵝溪絹來
畫微瀾玉塔圖

晚晴水檻洗頭時倦客心情睡鴨知閒煞生綃白團扇秋

雲空寫柳郎詩

北山晚步

聽得泉聲不見泉石根流出水濺濺山昏於夢青無跡草
長如人綠可憐孤塔遙知僧葬處微雲先作雁來天香茅
一把何時縛且倩松風掃榻眠

紫陽山紀遊

峭壁如削鐵誰琢山骨虧蟲書顏感花蘭葉紛歲蕤悠悠
女蘿風白日顛倒吹搖曳無心雲若勞不斷絲殘碑不能
讀枯蘚成癡瘕想見玉局翁此坐撚吟髭夕陽照短幘歸
影紛荒墟空山一以眺隱隱蒼狄悲感花巖
磴道細如綫迴環轉陂陀石文太古篆繚繞蚪與蚪小雨

胷密篠涼烟垂飛蘿山骨腫且高馱雲蹬紫駝磔尾青縈
回石髮紅髮髮環環宮禿岫圓黛排香螺銀蟾半玦光風
吹出巖阿山鬼美窈窕麗服披秋荷微波欲通辭怕為山

靈呵紫駝峰

上清丁真人靈山啟飛館鳥路懸青冥虹橋架還斷穿烟
石筍茁烘日崖花煖檜剥蒼螭皮果孕頰虬卵金松麗圓
蓋瑤茵支短繖倒騎丹穴鳳橫截浮筠管巖肩白猿守千
載人跡罕我枕石上雲山香落衣滿丁仙閣

山色如堊丹洞黑孰掀破仄行入蛇腹石路紛坎珂錚錚
展愈響格格巾屢挫烟腴落金薤石華鏗碧唾遺蛻仙人
衣香龕尚趺坐幽棲當此地便作上真座落落颺古歌天

等冷相和瑞石幽巖富此賦野村土真也

巖凹黑而窪穿鑿入積鐵洞氣寒侵肌冰霜冷凝結青蛟

凍骨死倔強卧香窟玉溜涼涎腥珠乳乾髓涇矮松絕壁

上鶴毳灑古雪或言雲所歸雲態萬詭譎世人學仙者入

此黥若漆謂是真靈居思一叩肩鏞殘骸不自保徒飽蝮

與蠍歸雲

層臺浮浮起浮浮極天庭孤高懸碧梯洞闌標風樞珠樹

玉翦葉珍禽翠分翎仙人四五來環佩聲泠泠香鑪飄長

烟龍騎絳節停背負雙寶劍出鞘芙蓉青憐我墮塵網貽

我燒丹經倏去不可追空際聞餘馨大觀

謁岳武穆王廟觀宋高宗所賜敕書觀

建炎國步丁陽九半壁河山愁失守金牌十二繹絡馳三

字沉寃莫須有獄惟三字鍛鍊成遂教忠盡殉闔門御書

簿錄盡收取焚如棄如無一存何來手敕留兩紙細畫銀

泥內人製墨花漉漫松膠涼彷彿西京委卿字稜稜寶押

鈐猩紅赤色正與臣心同堪傷三載廬墓志乃懋六月勤

王功用勅書趙家失策在南渡征騎頻窺白溝路孤臣齧

雪困饑寒二聖蒙塵犯霜露湯陰大將真少年掃蕩六合

清烽烟白袍太子驚墜馬鐵浮圖軍安敢前朝來北騎紛

紛走前望燕雲如唾手傳檄先聞定兩河直須痛飲黃龍

酒和議盈朝計竟非攀轅父老泣沾衣穹廬辛苦餐梨麪

遼水秋風塞雁飛濺襟碧血堪悲痛十年轉戰真如夢薄

手石山房詩少

卷一

十七

暮鴉啼蜀相祠經秋草白邗連豕不及還朝見兩宮九原
知有恨無窮卷帷颯颯神靈雨北伐旌旂在眼中

紫雲洞

萬石叢中啟一門陰沉白日欲黃昏雛僧綠髮含雲氣古
佛金容帶漏痕半綫天光穿峭壁廿層階級鑿厓根就中
疑有冰霜結六月披裘總不溫

吳山寓館與楊二子山夜話

客中相對話辛酸似欲鐫愁入腑肝竹几一燈團舊夢蘆
簾三尺障新寒流年偶值黃楊厄世味聊同苦李餐一語
慰君應破涕依然色笑在長安

晚泊楓橋

作客楓江又繫船夕陽無語下遙天迴流曲折浪花聚風
色迷濛山影連別後新詩青紵字愁中衰髻白楊烟堪憐
漁火黃昏近一杵清鐘到枕邊

題陳雲伯大令碧城仙夢圖

遙空匝匝青羅縫青鳥傳言入幽夢先生明月是前身足
躡飛鸞不施鞢雲樓斜壁夙笏光鏘然鳴動皆琳瑯上清
祕簡人不識古篆玉書森瘦芒闌干十二蟠生翠花影離
離花欲睡素娥製就白霓裳手貫明星來作佩我聞九重
天閭闔誅蕩開下有弱水流上有罡風吹中有金輪持色
界天魔跳舞揚雙眉願君手握麟毫筆好寫瑤京碧落碑

惆悵詞

白石青溪證舊盟美人無異隔層城銅鋪早掩文鱗綺
閣誰彈義甲箏卽事不思思往事今生未卜卜來生綠窗
一夜梅花發想見閨中玉筋橫

丁字簾櫳丁字街四圍花木好安排苔痕記染鴉頭襪竹
影曾捎燕尾釵相見匆匆如夢裏出門惘惘卽天涯鏡鸞
或有重圓日合付吳綿仔細揩

稱身還是舊羅襦綽約偏能鬪五銖白雪肌原藐姑射遠
山眉似淺文殊香階夜雨生紅豆畫苑秋陰長綠蕪小疊
雲箋頻展玩等閒拋却睡工夫

游仙小夢待重溫香徑微茫雪爪痕夜色迷濛天醉酒花
陰黯淡月銷魂縱無珊枕留曹植肯擲金梭惱謝鯤偏是

幽蘭尋不著蕭蕭蓬艾又當門

一縷茶烟半院陰小窗當午靜悄悄閒書藥裹銷殘墨手
鬪香泥瘞斷琴錦字應霑紅粉淚朱絃肯換白頭吟如何
庭畔藏鴉樹不集鸚鵡並命禽

何處尋芳有杜蘅枯荷況已露盤傾障風羅袖依然薄瀟
月晶簾分外明秋氣如潮來有信年華似水去無聲玉壺
清漏聽幽咽不信長宵又六更

自家評泊自尋思任說聰明只是癡空峽續成神女賦荒
園拾得斷腸詩春衫瘦骨櫻桃見秋扇傷心蛺蝶知解識
靈均香草意不嫌宋玉有微詞

畫得閒愁借暝烟迴廊左側曲闌邊重添秋思當今夕一

手不山房詩金卷一
樣斜河似去年乞巧頻移花下席燒香自送佛前錢來生
願化媧皇石補盡人間有恨天

渡江口占

佛狸城外雨絲絲正值寒潮欲上時愁殺蓬窗倦遊客
帆重寫渡江詩

浮玉山高木葉稀南田畫本見依微

暉南田有渡江圖竹
畦爲余臨於扇上

舟中不合回頭望如此茫茫一雁飛

舟泊京口遣興

極目烟波思渺然數行垂柳亂秋蟬琴書與我俱爲客山
水逢人或有綠青紵飄帘沽酒市白衣搖艣渡江船維舟
一日沙頭住便當臨流屋數椽

春寒曲

春寒落盡花無數春色三分屬塵土西窗呵手理殘粧鏡
背盤龍貫雙組香爐鵲尾金颺颺檀烟一篆迴環吹蕉書
石墨悶湘匣三尺雞箏不上絲翠此刻漏水聲澀霜片斜
飛月陰直庭院休歌昔昔鹽一宵涼夢梨雲白

暮春客感

隻燕依人粉壘空可應身世悞雕蟲題來羅帕成淒碧倚
後闌干便退紅詩夢淡如秋竹影鬢絲寒入落花風一牀
斑管閒無用獨自研螺賦惱公

藥爐烟氣作黃昏落盡天桃悄閉門孤枕三年懸別淚客
衣一夕換香痕買絲欲繡纏綿意解珮難酬宛轉恩修到

靈均真有福碧蘅紅杜與招魂

廣陵女兒行

春風隋苑花如雪花下美人誰第一菖蒲北里亦無數只
此蛾眉歎奇絕嬋娟十五無等倫嬌歌一闋飛梁塵狹斜
少年求識面珊珊寶勒驕青春香奩小筆搜眉史梅粧淡
淡遮黃子幽蘭放葉晝吳綾細楷簪花寫蠻紙江左才人
舊姓蕭尋春小住旁虹橋櫻桃露冷春拋瑟楊柳風微夜
品簫瑟還並鼓簫同調璧月瓊枝兩娟妙翠幕初褰目已
成銀屏共倚心相照擘鈿深盟重若山兩人心事玉連環
無如阿母千金索竟送檀郎隻騎還太原估客多豪氣不
惜錢刀買姝麗只說開籠放雪衣誰知彩鳳隨鴉易扶入

香車繡幔中花開陌上去匆匆此日雲鬟慵不整此時香
淚可憐紅河東大婦難教近深閨密鎖驚鴻影鐙火閒挑
玳瑁簪香塵欲黯葡萄鏡颯颯雕梁燕不來玉釵敲折葬
秋苔晶簾高卷無聊坐團扇閒拋有夢迴碧海青禽消息
斷書生空讀虬鬚傳粉悴珠愁向壁啼天涯海角如蓬轉
堯女祠旁冷墓田如同絕塞竟生旋黃沙白草經千里別
館銅街住十年朱雀航邊門巷改舊院今無一人在十二
樓臺失故釘闌干已朽紗窗壞當年少婦鬱金堂露井青
楸正離霜侍婢牽蘿珠鬢盡紅箱羞檢舊時粧門前蹋蹋
過驥馬意氣相逢盡紈袴訴得琵琶憔悴愁難言松栢同
心話世事真成老大悲名花失路黯如灰尊前莫唱秋娘

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

曲地久天長怨鳩媒

拜石山房詩鈔卷二

篋中檢點少作釐爲一卷係之以詩

錫山顧翰兼塘

白傳唐偉人餘藝工詩歌周晬識之無至今傳者多以我

比昔賢蓬麻與喬柯一事頗相類古人無以過憶我兩歲

時嬌不加禁訶阿爺日抱持花衫自婆婆筆研任翻弄拋

擲如騰梭家藏舊畫卷玉檢光新磨前導兩行燭有女攢

青蛾一人宮錦袍半醉顏微醺題作李供奉印綴朱絲窠

展開使我讀二字認不訛父顧蹶然笑撫頂久摩挲此子

有夙慧或者能吟哦

余家舊藏仇實甫所繪李太白金蓮寶炬圖卷余周晬時即識金蓮二字

雖歷試不訛

道山亭石色半蒼赭幽篁巧點綴風景益瀟灑姊弟雁雁
行作隊到亭下有羊馴可騎善走健於馬我年纔九齡得
句已能寫梅影上簾疏詞意甚妍冶春雨讀書堂呼爲小

陰社

歲在辛亥羽素女兄年十二余年九
齡始學爲詩春雨堂在學舍西偏

可憐少孤露始及總角時牀前喚阿爺父言病不支汝孝
奉偏親上念祖母慈期汝早成名祿養庶有資吾宗溯七
葉風雅實總持今恐中道絕未能自得師言訖執我手泣
下更嗟咨母旁鬻我指令痛使誌之迄今逾十年一事耻
不知讀書竟何成但好哦惡詩雖云哦惡詩一字一淚絲

先君子捐館余
年十有一歲

我年十三四有喜無怫鬱常笑古人愚問愁是何物十五
愛裝束短衣服繡褌十六誇跳脫晴空落霜鶻十七學閒
麗花風汎瑤瑟十八事滑稽變詭不可詰十九轉木訥書
空徒咄咄二十走燕趙荆軻論劍術落拓風塵中生氣猶
遠出奈何好音律所好不專一時時茹荼苦往往舐崖蜜
詞或非雅馴米鹽更瑣屑若以詩論人真意久已失
詞壇數老輩束髮親受教言詩有百病惟俗不可療避俗
趨岸異每亦中翫翫只須善領悟一靜兼眾妙幽花滴春
乳冷雨入秋窳揚帆渡雲海振策抗霞嶠詞如久鍊成意
若乍飛到射虎百石弓游魚一絲釣體物須近情學古要
遺貌今看卷中詩此意何曾肖

巖巖今由竹徑入韜光寺叢篁瑟瑟不風自漪蒼鼠竄暝
苔半派庭時聞嚶吟佛禽餐烟翠落毛羽與良甫伯夔徘徊
於命而人徇久之石色染襟苔花沒屐寺僧出素册索詩
各賦一首

連峰青巘屹一徑闢靈異我疑僊侏初別有竹天地窈窕
入寺門淨土空香閣涼暄墮叢碧粉節憂陰翳拂雲踰萬
个石壁颭蒼尾鮮淚紅斑斑兕角青巖巖老根宅花颯籬
篁嘯蒼雌咽露仙蜩清餐烟佛禽醉解籜蛻輕衣折篠發
遙吹禪寮有餘清卉木絕浮媚石墨色更妍琢句寫肌翠
夕陽向暝沉幽龕鎖深邃翛翛響靈籟覩客睽秋魅
拜平十煙霞嶺二首

山隔萬重翠先聞殿角鈴洞深龍蛻骨石古鶴留銘香草
埋丹井單蘿挂綠屏松寮如可借漱齒讀黃庭
細路盤空曲伶俚屐齒稀松聲連地動山勢上天飛素月
仙人鏡蒼烟木客衣此間堪辟穀聞道藥苗肥

五月望夜陳古華太守招同揚箕山范雲卿汪選
樓伯夔諸君泛舟西湖以流水今日明月前身
為韻分賦得月字

一鏡澄風漪滉漾蟾蜍窟俄驚弄舟人棹入水晶闕沙竹
搖涼陰隄柳帶清樾老魚歎浪花啖此波上月微颺吹葛
衣清冷逼毛髮時聞采蓮歌彷彿靈籟發同遊皆俊侶秀
逸抱仙骨濯魄冰壺中何必浮溟渤暝鷗夢安閒水鶴立

突兀叢蘆戛烟尾出水鳴窸窣遙山澹如畫淺碧痕欲沒
歸路繞南屏杳杳鐘聲歇

輓李忠毅公四首

閩島遙連海外洲鳴狐篝火聚荒陬金隄駐旆朝防戍玉
帳量沙夜唱籌水回燃犀蒼兕拜波心沉鼓毒龍愁驚濤
拍岸樓船住畫角聲高紫渤秋
鯨波萬丈下艨艟水黑驚看巨礮紅地以孤懸如浪泊人
經百戰勝雲中雕弓射月重輪徹長劍搖星貫索空惡霧
全消蛟蜃氣旌旂卷入翠濤風
聞說孫恩戰艦逃海天忽墮將星高烽煙未靖黃龍戍鼙
鼓猶喧白馬濤事到銜鬚心益壯死能透爪氣真豪曉看

海月西南角血淚蒼涼洗寶刀

十萬飛艘駐重兵長城忽壞眾心驚金棺好葬封侯骨青

史常垂大將名海上忠魂應戀闕帳前國士願留營九

重太息宣丹詔猿臂重悲李北平

洪稚存太史丈以詩辱贈賦此答謝

勾吳英髦囿磊落生豪雄老輩推孫楊

謂孫淵如楊蓉裳兩先生頗愜

大雅宗夫子萃鴻秀卓識開洪濛一掃秦坑灰疑有萬里

風力挽千鈞鎚響捫九乳鐘淬劍馘怒蛟掣刀戮長虹斗

樞耿元精光避銜燭龍守隘短兵接扼險丸泥封屹屹百

雉城非可下策攻羗子好劊刻抱負羞凡庸僭僭走靈怪

呖噩懷黃農所苦學力弱技慙類雕蟲芹獻不自嗤布鼓

驚靈霞獎飾或踰分推誠及顛蒙

先生贈詩有玉篇奇字真家學何止詩名紹阿

翁之門停長者車春氣生華蓬飛仙如可躡請事洪崖公

謝道元野歌

謝道元野歌謝道元野歌謝道元野歌謝道元野歌謝道元野歌

羲和迴鞭驅駿鳥弱水走海蒼龍呼胸中繡籠鸞天弧欲躡月竈窮飛狐男兒三十未棄襦荒沙入髮蓬根枯野廬未飯日將晚蒲衣赤足歌嗚嗚

過鶯脰湖感賦

夕陽欲暝初月黃殘蘆蕭瑟搖寒塘此間風景屢經過重來不覺愁茫茫茫茫烟水寒潮長兩行衰柳離蟬唱多少歸舟聽艣聲孤篷獨溯湖流上短笛催人酒亦醒吳歌淒絕不堪聽魚天渺渺迷歸路船尾家山一笠青家山此去

無多遠還山不用山靈勸書劍飄零感歲華客心自抱天涯怨話到飄零最可憐儂家只在九峰邊面城既少三椽屋負郭曾無一稜田貧裏辭家真草草浮生早分風塵老作客生涯我盡嘗伺人顏色誰能好天末愁心一片懸布帆無恙我依然江關蕭瑟稱詞客不及簑衣上釣船釣船買得知何日歸尙無時留豈得烟水真成黯澹灘鷺鷗怪有淒涼色燈火篷窗客影孤沙頭霜落雁相呼替流一掬離人淚莫便匆匆入太湖

謝道元湖上即事

謝道元湖上即事謝道元湖上即事謝道元湖上即事謝道元湖上即事謝道元湖上即事

水閣秋風早輕寒一榻支家書占鵲語屏樣畫蛛絲酒好微醺後詩難脫稿時菊花殊解事先放兩三枝

西冷寓樓寄良甫伯夔湛之朗山同社諸子

相屬六尊酒揖別茱萸筵筵上四五人
一一金石堅瀕行
摻霞裾情好非周旋榜人促登舟倚裝屢
洄沿秋風正搖
落霜氣已折綿旅食山水鄉層樓倚湖邊
高厓木森秀經
秋轉紅嫣蔓挂錦虬尾石滑青蛇涎粉淚竹
千个簌簌弄
碧鮮憶我同社子臭味馨蘭荃揀金汰泥沙
秀質非華鉛
各各鏗異聲宮羽不一絃控鶴上璇圃驂彪
折珠鞭漆書
平石榔瓦篆沉陌阡潭怒龍抵角奮牙各爭
先蛾眉鬪尹
那妹絕皆所憐餐霞咀雲芝前身本胎仙仙
仙雖殊都彙
為琅玕篇紫籙銜真靈列名快蟬聯竒編爛
煌煌合付青
瑤鐫時方謀刊樊桐山館倡和詩集故云當時締交初出入相流連並坐抽

翠簾同遊抱花鞦折紙書剡藤渲圖畫湘烟爐
收艾蒨熏
鼎挂楫柁煎燭跋淚飄零漏長泣幽咽屋小促
膝坐榻短
抵足眠祇負一囊米別袂時時牽老鬢思江湖
夢見波淪
漣水淺蝦上箔月明魚入筌枕畔聞潮聲恍惚
如叩舷寄
語同社子貯酒柔落前便當買舟還爛醉湖中
天
舟中聽雨不寐枕上偶成二首

倦客嘗聞說馬卿浮雲蹤跡又孤征
滴來夜雨襟先濕吹
到秋風病已成半晌已醒歆枕夢終宵如聽打窗聲
琴書
未典裝猶薄衣食依然累友生

客囊貧薄久無貲賴爾壘鹽苦不辭小閣臨書收柿葉
輕
釵質米換楊枝征衣未得慈親綻塵甑仍勞巧婦炊
今夜

有人燈火畔寒機聲溼淚成絲
蘇軾贈陳璜溪司馬

陳君倣儻才無敵夜讀兵書晨弄戟胸中妙筭六甲符腕

底雄文萬言檄瀛壖劇盜傳孫恩剽掠商舶如鯨吞妖氛

忽犯將星落風雲黯澹西州門謂君外舅李忠毅公惟君肝膽森如

鐵誓殲巨魁酬壯烈作書代奏中丞公天子咨嗟動顏

色秋風八月海氣寒嚴城日夕多驚湍蛟門鹿港屢窺伺

萬點赤鏑馳銅丸金隄戒嚴駐旌旆橫海軍聲傳海外腰

間寶劍光如銀直上青天斷長彗石尤怒吹惡浪高追躡

小醜如吹毛數竒亦或同李廣長蛟就誠仍潛逃越王臺

荒長衰柳我上荒臺聽刁斗雕弓兩石不能彀平野眼看

狐兔走丈夫事業須沙場掃除苞蘖清巖疆可憐七尺好

身手但解捉筆為文章杜門苦負生平志胡不參謀作從

事佐君報績登京畿露布淋漓三萬字君名久已達主

知不次擢用今其時倘專節鉞辦水賊萑苻豈久勞王師

聞雁

影轉斜河報一更夜闌枕畔響棖棖雁聲咽斷寒雲裏認

作中閨少婦筭對山字

重寓葛嶺園感賦

寂寞湖天獨倚樓好山色到異鄉秋十年南國青袍倦一

夕西風葛帔愁諧俗有如盤硬馬浮生真若泛虛舟側身

人海難容我海外徒聞更九州

拜石山房詩集卷二
一灣水抱寺門迴好浣風塵小劫灰苜蓿香殘和雨摘芙蓉秋冷拒霜開本無歸計難言隱薄有詩名不負才鷗鷺湖邊休悵望依然戴笠我重來

湖樓晚眺

獨向斜欄倚寒侵山宇肩野花澆酒地細雨望鄉天別夢紅萸節歸心白雁前輕裝何日辦空憶五湖田

靈隱書藏歌爲阮雲臺中丞年文賦

鴻都古極盛鷲嶺茲相伴是爲圖書淵百川滙眾流奧帙盡蒼萃異采紛炳彪細函與玉軸貴壓琳瑯球朝廷重文物典冊勤購求博採資鉅學瓌才富雕鏤煌煌四庫書亥豕詔勘讐遺珠出滄海珊瑚枝相樛於此有闕佚毋

乃儒臣羞夫子芸閣彥擁節來越州造士尙經術百廢無

不修詰經既置舍看經亦有樓

詰經精舍及吳越看經樓皆中丞所葺

竊念

古作者冥心事研搜著述誇等身豈徒同汗牛立言蘄不朽藝略高班劉荒碑置陵谷所慨良有由今爲祕寶藏眾集皆輯蒐六丁未及取二酉先見收上以充策府下以脩史輔信今卽傳後掎摭固已周龍宮倚峇巖如入委宛遊奎壁森象緯光氣騰巖幽雲林鬱蒼蒼冷泉清泚泚壽此萬卷書盛業傳千秋

寄懷朗山

多年古劍躍延津依舊相如四壁貧

余與朗山同赴津門召試聞有旨停止而

返客久始知天地窄交深漸覺性情真愁中瘦損眉稜綠

病裏清消爪甲塵

時朗山抱病未愈

怪底微雲詞句少碧山顛顛

社中人

碧山吟社秦脩敬先生所建

月夜泛舟西湖聽了然上人彈琴偕陳古華太守

張蔣塘明府作

三絃四絃世解傳天下幾人能七絃了然禪師楚山客眉
際尙綠茶陵烟因緣頗受文字累失路蒼茫走塵市焦桐
典却囊無琴萬松寂寂一壑水希夷仙人夜喚船彷彿坐
我瀟湘川舟行在空不在水但覺四座風颺然座中請師
彈綠綺一洗從前箏笛耳星徽乍拂調初成已有商聲指
間起明月墮水生微波湖上紫竹涼雲多巴江哀猿榜人
曲洞庭落葉帝子歌吳孃水調傳囉哄何意悵悵聞此弄

芙蓉落盡蘆葦枯沙雁三更泣秋夢纔聽却手一再彈不
覺襟袖生沈瀾師乎師乎技至此那復憔悴憂江關江關
憔悴渾閒事似我天涯稱漫士痛飲悲歌劇可憐一聲淚
落南鄉子師爲楚歌我越吟五千里外無知音冰絲三尺
莫輕操同話寥寥萬古心

湖樓百感棖觸誌之以詩

湖天風雪上青衫塵事消磨骨漸凡馮煖生涯彈短鋏杜
陵身世倚長鑱故園廢井生黃竹野寺閒門種綠杉夜雨
瀟瀟孤客坐寒花黯淡一鐙饒
悲歌斫地劇堪哀劍氣冲霄亦漸摧乞食重過伍相廟臂
弓且上越王臺之江淼淼寒潮上海國陰陰暮雨來俊隼

三秋摩健翮浮雲千里一徘徊
雞肋功名鷓退遲蕭疎短髻欲成絲
雁因避繳銜蘆葉烏
爲驚弓怯柘枝擾擾秋衾空有夢
寥寥孤館更無詩行藏
莫就詹何卜壯不如人老可知
誤向齊門挾瑟彈水仙遺譜久叢殘
依人最是摸稜好入
世原知逋峭難吳會者英多宿草
楚江詞賦怨叢蘭文章
失路都同病賸有閒情付倚闌

斷蟬猶唱舊離筵夕照傷心望遠天
偶過黃墟思罵鬼閒
尋丹竈要求仙酒能腐脇醉千日書
便埋頭讀十年得似
龐眉秋客瘦一梳寒柳不栖煙
世事都非智力謀幽懷自抱隔生愁
滿林落賸三分葉片

月能生萬里秋此去未能黃鵠舉
重來還共白鷗浮拂衣
得遂歸田約八口躬耕便買牛

湖上迎秋詞

水心亭外酒船開白袷輕衣稱剪裁
溽暑莫尋脩竹避一
湖煙柳送秋來

牙籤亂插滿書龕天氣新涼睡易酣
葉上不妨秋雨鬧瀟
瀟水閣夢江南

吳娘打槳晚歸遲水調新翻唱竹枝
一路月明花不斷白
蓮香過水仙祠

一奩鏡影乍吹涼半卸紅衣有水香
采采菱花何所贈明
朝留得嫁鴛鴦

湖上餞秋詞

山骨清癯石有稜偏衣壞色立枯僧夕陽已共秋將去只在黃妃塔一層

蕭瑟疎林一片秋葛衣風冷已颼颼半閒堂廢存遺址荒草寒煙蟋蟀愁

小亭如笠段家橋記唱新歌賭絳綃腸斷水天閒話處蓼花紅冷一枝簫

幾圍高柳坐寒鴉隔水飄帘酒倍賒秋色無情歸尙早怎教遊子不思家

謝道韞記遊雜詩和古華太守作

一陂春影長蘆芽蕩槳溪頭漾玉沙種蛤田荒潮有信打

魚船小水爲家青帘挂屋客沽酒白石臨流人浣紗曲曲

幽隄香不斷矮橋紅壓萬桃花

桐溪

冶遊士女卓金輪天放新晴做艷春衣桁風輕花作片毬場沙暖草如塵香禱袖廣先參佛畫屨牆高欲倚人芳樹

寺門陰匝匝青山紅粉若爲隣

花塢

展帷颯颯晚風吹蘭葉葳蕤上玉墀南渡旌旗空故國西泠環珮有叢祠好尋黃絹題碑處絕憶銀瓶墮井時落日鴉啼人酌酒巫娥哀怨上蠻絲

撒沙神廟

展齒臯亭駮石苔夕陽影裡暫徘徊前江抱烟雲合檐外山浮紫翠來桑葉綠分蠶上箔菜花香暖錦成堆登臨一事堪惆悵客子衣裳未剪裁

古雲錦亭

寒食四首

客裏逢寒食吟情澹似漚殘花銷宿醉細草亂春愁歲日
 成孤寄湖山只獨遊堪憐隄畔柳綠上水邊樓
 客裏逢寒食西冷寄一龕壓檐雲意懶近水鳥聲愁山市
 初收茗人家正浴蠶藤蕪依舊綠不信隔江南
 客裏逢寒食頻年作寓公禁烟春落漠潑火雨溟濛飯冷
 青松影錢吹白紙風墓門何日拜愁謝野棠紅
 客裏逢寒食蕭條負好春衣裳餘涕淚書劍換埃塵貧作
 吹簫客閒尋賣酒人命官磨蝎在墮地及茲辰

贈郭頻伽明經四首

江南草長雨莎莎殢醉閒吟總奈何遊子單衣裁野葛故

園荒逕隔煙蘿賣文生活碑錢少結客天涯酒伴多憐我
 華年未三十脫巾愁髮漸鬢髻

南國名流孰比倫頻年刻意解傷春寥寥天海身為客草
 草鶯花夢怕真別路重拋金鑄淚荒山又悵玉為塵

蕙玉圖
囑題

蛾眉莫便相謠詠絕代銷魂是此人

曾以
春山

雲水曾經洗眼來青衫況浣劫餘灰都傷日暮依脩竹空
 憶春風唱落梅任說清狂沈昭略誰知腸斷賀方回西湖
 試問娟娟月幾度人間見此才

一痕秋色上眉端知汝年來亦尠懽逐客文章推正則詩
 人禮數說方干蘭於空谷心香在鶴不乘軒骨相寒倘許
 移居同結侶魏塘煙水託漁竿

大滌山記遊詩 并序

粵以己巳之歲孟夏四日錢唐蔣蔣村學博招
同元和家星橋奉賢陳古華兩太守暨海鹽吳
芳佩上舍遊大滌山薄暮抵禹航主人開三徑
延客列百珍侑酒歡讌竟夕翌日至洞霄吳縣
張蒔塘明府亦來同遊夫其名標區中竒軼象
外爲郭文舉之故宅有許叔元之舊廬誌乘所
詳藻詠旣及雖從游觀靡事綴述已是日也初
瞰鏡埜陰霞綺空峰轆轤以振竒礪灑灑而競
響花折垂阪莫知其名樹蹇深壑罔測其歲石
綠髓兮堪煮芝青胎而可餐洞含龍腥篠發鸞

吹至其窈窕結榭洞闔開軒翼重櫺而冠岑橫
直檻以嵌岫石壁梯翠有巢居之仙層垣堊丹
延棲神之客啟葢珠靈鑰搜玉華古銘仙仙乎
泠泠乎可以凌風而長逸矣晚宿洞霄宮之一
庵道士張禮公施文達年髦敬客沃茗淪脫
粟茶雨一閣松聲四山林鳴搗藥之禽階馴食
柏之獸竹風清夢草香悅魂次日題名大滌洞
中以次別去嗟乎良會非偶勝遊靡常歲月不
居塵事驅迫締交猿鶴依青山而遐舉置身泉
石指白雲以爲期不有佳什何伸雅懷凡我同
遊宜暢斯旨率爾成詠得五言八章

高峰列九鎖一一峩煙鬟靈境誰管鑰連天碧孱顏帝命
 夸蛾氏界劃分塵寰蒼松偃旄蓋飛泉鳴佩環飄飄三素
 雲時有飈車還我聞元蓋天昇之齊仙班來偕餐霞儔秀
 骨何珊珊手把青芙蓉高步超元關九鎖山
 萬山盡叢竹一徑風颼颼山氣梳骨肌四月涼於秋肩輿
 僕夫健遍歷諸巖幽飛觀出林杪勢與羣峰浮杉柟鬪蒼
 兕檜柏蟠青虬新綠芝初胎時有馴鹿遊其誰導我前三
 兩羽客流云昔老祖師脫去丹竈留一聆世外譚頓失人

間愁

洞霄宮

造化孕靈秀結作神仙巢
 胎目黑眈眈中與元氣包兩旁
 絕壁隘上下結構牢陰厓然竹火白蝠先驚逃石上古篆

文蝌蚪蟠雲幻疑是仙人書聊代金簡招須臾四山響急
 雨奔飛濤甲仗森杳冥如有羣龍朝吾曹好荒恠動與神
 物遭題名古洞中劊刻蒼煙高游大滌洞同人題名
石壁時值大雷雨

危峰聳層霄上通列仙居挂天一萬丈陡起勢有餘嵌石
 松偃蹇搜雲路迴紆天風欲飛人肅肅吹衣裾回望所歷
 處羣山皆前臚側身向塵海擾擾如浮蛆人生天地間百
 年同寄廬長歌贈浮邱恍惚出九區至人抱冲寂浩蕩乘
 元虛局促自世間毋乃形蘧蘧天柱峰
 石扇中洞闢路穿蛟脅青下通虛無底終古藏杳冥不知
 一室中乃是羣真庭棲神宅元顥服食餐華英石爛五色
 光滴乳寒於星瑤函紫泥封云是道所局一卷百神守寶

錄驅風霆空山夜月白馴虎來聽經

樓真洞

松高落疎影石古生清寒微月光四照北斗森闌干上方

鐘磬寂細細聞驚湍如聽步虛聲吹落青雲端山中有老

鶴化爲兩黃冠羽帔何翩翩高步升瑤壇偶然此遊戲未

脫頂上丹遺下巖間書細字絲蟠蟠句重語亦奇寶如青

琅玕昇天壇

古甃久荒圯中貯清冷淵渴虹不敢飲一勺何涓涓采藥

滋仙苗廻流灌瓊田靈液輸不竭玉砂中自堅吁嗟曹學

子野火燒凡鉛一旦入腸胃輕生若漂煙金丹迷大道何

由駐長年我枕石上流寤歎形神全丹井泉

兩崖忽斷裂一竅宅厚坤偉哉造化功滅盡斧鑿痕陰陰

欲蒼霧黯黯迷朝暎石壁排龍雷知爲雲所艱動施翕忽

化靜攝飄飄魂神功貴收斂至澤中自有其理或可搜返

使問道門歸雲洞

姚江舟次和璜溪司馬韻

蕭蕭衰柳拂江干重向天涯補墜歡典到琴囊艱上計清

餘鶴俸笑求官風塵作客衣稜瘦燈火論兵劍氣寒千里

神交如不隔莫言相憶路漫漫

品蓮上人招同家星橋陳古華兩太守石琢堂殿

撰蔣蔣村學博集雲林寺徐澗西茂才繪雲林

看雨圖因題二律

遙看靈鷲繞雲根萬綠溟濛到寺門涼雨灑巾輕墊角曉

烟拍袂澹留痕風高檜影有歸鶴香遠梅林正飯猿聽到
琴言忘世慮心清不礙冷泉喧

是日聽品蓮上人彈琴

六時清課閉松關鐘磬琅琅木石間夢入水晶依淨界髮
晞蒼翠近烟鬟世間文字最能壽物外禪心只是閒惆悵
塵緣一彈指徐熙愁墨畫春山

繪畫

葛林園木芙蓉盛開花下小飲作歌

涼風吹波藕花死零落殘紅墜秋水湖邊催放木芙蓉艷
影娉婷學西子塗粧縮髻越女多花時肯放一日過畫船
徑渡六橋外隨風縹緲聞清歌荒庵無人斷行躅天遣繁
花媚幽獨種依倔強幾枝梅妃以蕭疎兩竿竹紗窓一摺
面水開曉光晞露吹紅鞋几頭青絲一壺酒每日坐繞三

千回池心綠藻菱亦盡一片明漪皺寒鏡眠沙乳鴨啞香
痕出水遊魚啖雲影抱闌翠葉紛離披何年織就騷人衣
世間蜂蝶尋不到枝上三兩霜禽飛境閒喜乏車馬客折
得幽龕先供佛山僧汲水注軍持愛惜嬋娟好顏色湖邊
遊子何紛紛一經攀折旋爲塵此花畢竟有時落絕勝飄
零隨路人

舟泊葑門外雨後推篷見月欣然有作

前山飛雨急如箭船窓不開風四面須臾雨歇風亦微微
涼颼颼吹葛衣官蛙兩部喧晚吹螢火一星低照水沙頭
三尺新水渾樹頭月出月亦昏水香一絲無處覓清氣乃
在菰蒲根小魚啞水水光動大魚橫空欲飛縱前溪老漁

如不聞溪畔閒鷗尙同夢
良甫以詩贈別途中未暇荅和今秋晤於金陵還
贈長句

詞壇健者推趙郎長軀玉立何昂藏青雲自許不凡器干
將莫耶森有鉞十餘年前與君友倒意傾情交最久生平
邂逅多少年獨爲平原買絲繡去年送我贈我詩蓉湖春
草波參差蓬山路遠不能到引船早有罡風吹今年遇我
秦淮上醉擊珊瑚作高唱吳姬十五歌可憐銀甲琵琶夜
深響涼篷小小雙槳划湖窓兩面泥白紗玉缸漱灑煖春
酒醉中艷殺菖蒲花同時數子亦神駿說劍論文迹交併
謂湛之伯夔
朗山諸君淵雲才藻世所驚私許詞場作茅勁白門痛

飲十日留枉事挾瑟干公侯疲驢破帽掉頭去百尺徑上

元龍樓

謂雲伯
大令

元龍豪氣才無敵徐庾文章建安筆與君

同時角兩雄意氣相傾若膠漆嗟我落拓誰與同吹篴乞
食菰蘆中辟疆名園久傾圮枯杉瘦竹生秋風牆陰韭花
老無葉泉脈沙苔光溘溘吟成幽句答寒蟬著破青衫化
胡蝶一年一面醉一回人生幾度愁顏開眼前知己太寥
落尋君直上吳王臺

余與楊篔山丈別三年矣遇於淮浦道中風雨一

鐙檠觸話舊感賦一律

幾年相望各西東依舊天涯逐轉蓬白首辭家憐少子青
衫失路到衰翁三更月色蘆花渚萬里濤聲瓠子宮我亦

無衣顛頓客不堪砧杵更秋風
萬里歸聲殿下宮
衣
幾半卧題張雋三明經艷雪堂詩稿後
首編宋謝少子青

當代多詩人中原等逐鹿
詞場角雄勁幾輩稱捷足
先生萬夫敵筆力肖賁育
左手拔鯨牙右手割蛟腹
奇才不論斗傾瀉動萬斛
示我一卷詩珠璣燦盈幅
驚霆破春蟄擢秀出繁縟
麗矚赤城霞光耀元圃
玉清商變流徵如擊漸
離筑紅霜青女愁黑雨
蒼鬼哭嗟予苦偃蹇聊擬
巴人曲破瑟絙哀絲短
簫截苦竹土音類瓦缶
難媿絲草木琅璈聽雅奏
凡響焉足錄再拜稱主臣
舌橋不能讀

和漁洋山人秋柳詩

客裏逢秋易斷魂
况看衰柳倚斜門
眼波眇眇分鉛水
眉

樣纖纖減黛痕
何處綠陰堪載酒
故鄉黃葉自成村
長條不挽遊人住
別緒牽懷那可論

昨夜枝頭下薄霜
依然照影近鱸塘
青絲撩亂難裁障
金縷拋殘不滿箱
畫舫笙歌多士女
銅街甲第盡侯王
繁華閱後秋姿老
有底閒情到錦坊

擬接翠色上春衣
彈指年光景已非
風裏瘦腰殊綽約
月中踈影尚依稀
松陵驛畔千帆過
瓜步江邊一雁飛
不怕陌頭遮遠眼
只愁南望寸心違

短髮蕭疎祇自憐
半歌夕照半歌煙
縱教綠蠹還成字
已化紅蠶不作綿
人說王恭如昨日
我逢張緒憶當年
柴桑合傍先生宅
肯在朱樓大道邊

合巹式寫懷昔未遊大猷數

川原路百織往還惟一身勞勞不暫休奈此雙車輪折盡
道旁柳髡禿無枝春江關雖昔遊所遇無故人策蹇度星
夜聽雞及霜晨黯澹遊子顏上有萬里塵

新聲日靡曼節奏尙諧緩華燭照朱門清宵變妍煖惻惻
悽心脾聽惜良夜短我絃獨繭絲和以孤竹管一歌節士
吟商聲白雲斷

蛾眉被謠詠恒亦有所歡獨惜鳶肩人落拓憂饑寒荆卿
初客燕子房思報韓偶然感知已剖析膽與肝全身豈不
愛所難名獨完我有一寸心迴環若無端匣中探雄劍宛
轉如彈丸

楚楚貧家女自惜瑤華姿雙眉結深顰不因嫁已遲所恨
少良匹悞此芳菲時窗前桃李花春風迴環吹高者墮幽
砌下者臨深池感此忽歎息默默有所思青髻不可縑撩
亂如春絲

不雨謠

荒原土渴泉脉死霹靂鞭空喚龍子癡龍水底抱寶眠脩
尾拖雲入潭水老蠓蟠腹緣空來腥風到處魚魅隨口中
但吐三尺霧跂跂脈脈空爾爲空爾爲非爾罪昔時澤國
今陸海白日酣酣雨工睡

寒潮一丈沙沒痕老魚跳浪冰鏡昏叢蘆作花晚蕭瑟湖
天浩蕩招吟魂我澆醪醺倚蓬背衆人皆醒我獨醉醉中
恍惚吟魂來水佩霞裾帶幽翠憶昔少日搜荒奇刻劃造
化求端倪鍛鍊窮愁作奇句江山靈怪歸詩脾錦囊賸有
一編在潦倒塵沙失精彩丹黃點勘半模糊淡著墨痕濃
是淚釘盤蕉荔縱橫陳人言作詩詩有神但能祭詩得神
助可保著作垂千春祭詩溯自唐年起歲歲祭詩成一例
倘教有集皆可傳詩卷將毋塞天地筆花慘淡無光輝文
章不值水一杯胸藏萬卷不能飽等身著作胡爲哉賤子
作詩已十載詩到一分窮十倍行逢路鬼漫相嘲家有詩
魂聚爲祟草車紙馬一炬焚懷鉛挾槧何紛紛君不見相

如滌具空買賦子雲執戟徒工文醉中爲詩託潛諷詩也
寧隨五窮送兩岸聲喧爆竹風扁舟穩載詩人夢

吳江舟次

畧約橫烟柳影踈湖天晴色上潮初片帆重問松陵驛一
束輕裝笠澤書敗扇搖風秋放鴨短船傍岸曉收魚欲將
粉本煩蕭照鏡裏山眉畫不如

小艇瓜皮打槳遲吳歌唱到水仙祠半堆賸綠收菱芡一
鏡明漪照鷺鷥隔岸酒帘斜日冷滿湖荻絮順風吹如何
楓落吳江句便算崔郎壓卷詩

月夜尋孤山弔林處士墓偕竹畦作

山中逸叟稱逋仙山中老梅無歲年厓根萬樹僵古鐵早

雪已壓詩人肩
逋仙去後無高士
三百梅花皆殉死
空亭不覺暗香浮
一片寒烟白於紙
寺樓正對層崖高
凭闌人倚長松梢
結鄰最與葛翁近
吟魂來往應相遭
墓門展拜澆蘭醕
好認殘碑月明裏
空山霜氣冷如潮
清夢千秋呼不起
山中人去山益孤
杉柟蕭瑟聞啼鳥
歌成天外一招手
公倘跨鶴歸來乎

漢伏波將軍銅鼓歌

黝虬古色花蜿蜒
翠斑入土今千年
離奇面目半凹凸
蒼蒼尚帶炎方烟
怒豕彭亨腹初脹
圓處如髡平若掌
文疑碑碣蟠蛟螭
怪類神姦圖魍魎
釘頭寶纈生金沙
迴環不辨蚪與蝌
古魄淵淵蝕風雨
蒼皮割剥愁龍鼉
憶昔金精

初鑄出踰烏翕翅
扶桑日獠猺毒霧
光浮頰柳葉椒花
墜紅濕蠻奴月
黑夜斫營殺氣上
聚愁冥冥恍驚伏
甲滿巖壑傾耳
草木皆風霆
海島孤軍屯浪泊
欖槍上掃旄頭落
揮戈倒却千羆熊
一夜軍聲壯風鶴
可憐世事悲銅駝
沉沙瘦鐵愁消磨
將軍戰骨馬革裹
撐天一柱空嵯峨
伏波祠廟生秋柳
日落鴉啼人酌酒
神絃怨曲蠻女歌
長股銀釵爭擊扣
摩挲著手三嘆嗟
功成不賞悲龍蛇
雲臺丹青遺第一
憤激欲作漁陽搥
名高自古遭猜忌
不辨珍珠和薏苡
堂前怒擊聲砰訇
恐有當年不平氣
披雲無路排九闈
丹衷抑鬱何由伸
我欲攜之訴穹昊
蠻荒萬里招其魂

馬連陞曉發

征車門外已駢駢唱到隣雞夜未晨新月一鈎茅店夢殘
花十里馬蹄塵薄陰似水輕籠樹空翠如烟不濕人路上
看山詩縱好曉寒須護苦吟身

鐵簫歌贈沈朗園

沈郎音律妙入神簫材不須截紫筠一枝手製麤賓鐵鳳
凰叫處瑤花春飄然來遊廣陵市眼中落落空餘子相逢
不肯道名姓但把腰間鐵簫指是時日落寒蕭蕭廣陵城
外龍鬣驕浪花倒捲半篷沒烏烏喚起秋江潮須臾山頭
月輪出潭底如聞老蛟泣鐘聲縹緲渡水來添與簫聲作
波折含宮咀徵曲未終船尾肅肅來商風此時有恨苦悲
哽青衫淚濕漏斑紅君乎廿載江淮走少年袖却擎雲手

不羨文人諛墓金意輕名士離騷酒遙從天海覓知音廿
四橋邊試一尋禪智山光閒弔古玉鈞草色自行吟今朝
江閣來相會白頭如見何哉在萬里君將挾瑟行千金我
欲將琴碎春申浦口卽君家門前水市多魚蝦吹簫乞食
不歸去江頭笑殺芙蓉花

東園看梅偕華惇園家峰如同賦

去年揚州作行客望花村前滿秋色雨餘著屐成獨遊撒
地金鈴收不得今年春到便促裝別思憔悴眠吳艘豈知
春亦戀吟客一夜隨人飛渡江城頭曉日浮空翠萬戶炊
烟寒不起東園梅樹上接天高枝入樓低在水衣冠雖古
墓獨存嶺下幽僻無遊塵入門一白訝見雪但覺有香香

悅魂華侯儒雅不放縱手浴丹雛伴雌鳳香奩小筆賦新
詩一月閉關絕迎送我兄耽靜寂不喧論詩疊疊如談元
與人拊戰百回勝出聲清宵如秋後酒帘只在梅花下二
八吳姬繡襦袂脂香在口解喚人滴滴珍珠酒新酢篋中
尚有未典裘壚頭一醉猶可謀春光如此不解飲明日東
風萬里愁

贈婦篇

少小戀井閨近遊悵分攜垂翅困雌伏破屋同棲雞賤名
列薦牘駑馬追馱驄出門寡西笑志若無金犀長吁青雲
端吐氣不成霓歸來困家食焦麥餘空甑室人不我譴茹
荼轉如飴今者遠行役問途極淒迷西去隴水長蜀棧盤

青泥戚邴相餽贈酒食攜榼棹我食不下咽酸若鼻灌醢
衆雛盈我前小者甫孩提大男愁失學癡憨覓栗梨其次
頗黠慧牽裾兩眉低一女未上頭十指垂春莢隨人出拜
送含淚不敢啼其妹甚嬌憨乞錦裁新袿巧好雖不一愛
憐情則齊嗷嗷數黃口哺翼將誰俟爾我食貧久甚于百
里妻檢點及囊橐捩揣到珥笄寒意迫花信紙窗雨澌澌
青鐙耿無言相視各慘悽欲訴愁萬端聲類寒蟬嘶人生
飽奇字風塵隨馬蹄不如耕田夫但能把鉏犁八口得贍
給終年守舊蹊我歌贈婦篇幽怨如霜輦

清明日雨中抵皂河

運宵漭浙朝不休衝泥欲涉羈人愁蹇驢難騎費牽挽鯨

拜石山房詩金 卷三
穀不前同老牛行來十里見村落堡壁周圍新草縛社翁
欲賽兒童迎敗鼓濕烟聲膊膊荒原二月吹朔風世事那
不由天公一甌擬貫道旁酒山店杏花殤不紅

秋雨庵題壁

蕭然瓶鉢水雲僧來向荒庵卸擔簦聽雨聞房眠不著吟
詩來借佛前燈
數行疥壁且留題勝是將書置佛臍料想碧紗籠未得他
年應博一抔泥

彭城旅館題壁

我行適莽蒼旬日過十稔霜風利如鏃病骨受鐫鉞腰圍
不滿把漸覺同瘦沈既昏就行館殘月白孤寢烟夢生波

濤河流入欹枕吾儕例窮辛豈不由賦稟迤迴孰使旃宜
亦戒已甚素髮如秋絲雖織不成錦寒肌生銀粟雖多不
充廩頻年苦風塵如醉不止飲聊爲勞者誦書使來軸諗

途中襍述寄蘭厓竹畦

轍跡縱橫遍古墟征人瘦與馬同羸向僧乞茗投荒寺看
客題詩叩斷碑山放夕陽欺病眼烟梳新柳學愁眉市樓
人散烏鴉上似有哀笳隱隱悲

客中日月倍駸駸去住思量兩不任屋似鶯籠難俯仰書
如魚腹易浮沉飄零湖海狂名減嬾散鶯花酒病深下澳
百弓能料理白雲知我戀苔岑

濁流滾滾大河橫河畔人家盡寄生古戍棘花平舊壘新

畚稗草廢春耕女墻俯向沙隄見估舶疑從樹杪行一夜
無眠聽蕭瑟不堪風雨近彭城

此邦欲別更凄酸前望蒼茫路百盤愛我有誰珍鼠腊累
人何處不猪肝愁為食客彈長欵羨作經師稱小冠歸結
申屠因樹屋名山向借道書看

書聲洞

在徐州蕭縣聖泉山半巖有洞昔人夜過其下聞洞中讀書聲出林杪若二人答和

然者

黃白之說傳神仙雕蟲詞賦嬾不嫻遂令上界少文采赤
蚪往往遊人間幽霧昔棲此巖洞古木垂蘿春若夢月明
風細夜無人朗朗清圓鬲雲誦珠函翠檢纏綠藤蝌文鳥
篆見未曾魚脂不然鳳膏熱松枝照字如明鏡玉清知名

鎮相待手敕仙官賜珂珮厓邊貽墨一兩行賸有光芒駭
山鬼天荒石很來踟躕寄言二子慎厥初莫誇跨鶴乘冲
虚天上玉堂森寶書

用山谷句

鐘登溝

在蕭邑城外相傳有二巨鐘鳴聲如雷登十餘里過即成溝入黃河噴水高數丈

蒲牢悶狀世莫測攣囚大幽誰所力雷迴古篆交曲蟠陰
火千年燒不歇神物耻與破釜同迸裂地脈行虚空登行
百步水怒沸鱗而蜿蜒生雲風重陰密布天色改黧黠疑
看日沉海商羊黑蜃羣出遊九乳如星射光彩須臾水色
生晴渦息影疑踞蛟龍窩噲咍鞞誰捫戛恍聞吟嘯驚
寵鼉我聞泗水沉九鼎又聞山崩洛鐘應有時片鏡躍麤
賓霜下自鳴如律令或者神物帝所臣故遣府水排齋淪

願今金水永相麗姦怪他年遠東馴
在蕭邑西北二里石壁層峭相傳有三仙人對奕于此今石枰在焉

羣真遊戲不可解浩蕩長嫌九州隘如何苦此日月長
向人間鬪機械羽人到處忝元關棋中示人一劫難誰知
下土悉愚鈍多少世慮不可刪谷神不王子珠冷依然瘞
骨來茲山荒藟浸烟橘香死古石嗟嗟白於紙踏枝時有
野鶴來一葉丁然如落子我生慕道希仙蹤危厓峭壁何
重重豈知妙悟眼前得回首高臺空復空

梅花嶺弔史閣部

已瞻廟貌傍江城更訪衣冠拜古塋再世直疑文信國九
原不愧卞忠貞淒涼花月南朝曲破碎江山北府兵風捲

濤聲天半落知公有恨未能平

龍城官署寄羽素女兄并懷春樵

別逾三十冀行及一千里攤書唯子賞選勝慵孤詣津鼓
聽統統春水流瀾瀾沙鳥鳴鈞駟江豚出遊戲舍舟黃河
岸寄宿清江地小車換隻輪羸馬走單騎澤腹凍未解兌
穴颺正厲斷柳卧虹橋豐草埋雉翳夕陽抹病額積雲擁
愁髻敲火飛沙星餐風咽塵壘市錢鉛雜貫郵酷水相貫
繩牀支甕瓴土屋穿薜荔龍城枕岡巒疊石環埤堦瘠田
如郢方茅舍同櫛比翠壁剥玉枰紅亭沒金鞞軒楹敞結
構廡庫亦塗蕪紫樹雕迴闌青珉凸文砌粉筠疏揜映露
蘼開次第林梢月生魄簾罅燕乃睇摳衣投刺字掃室置

襪被豈猶東道主未識西來意簡書迫行役手版隨上吏
閒行苦覓獨小住仍羈寄書求犬黃耳跨想騎白鼻吹竹
厭嘔啞畫紙徒角掎側窺綴房蜂俯視闕穴蟻有時聞呼
暮出視見械繫對此頗矜憇問之實繆戾失意便睚眦見
物輒睥睨薄俗乃習慣客子多畏忌楚越誠乖侔隴蜀益
妄冀會將宋道假私恐晉羅閉不瞑類魚目無能笑蟲臂
年光感霜髯會遇供雪涕詩但細君遺心恐女嬃詈貧辛
擬大雷一緘此用替

彭城道中書所見

九州具脈絡腹背及尻腓此地獨磽瘠唯得骨與皮小石
如羣羊大石如病羆畊石石出火砂亦不受被兵燹百年

後土壤赤色竒我觀原上田零落如殘棋况聞前年旱秋
蚤冬多麋去年瓠子決百丈奔流漸死者棲波濤生民亦
流離皇天屢優詔赤子憐寒饑蓄洩詳周官道在相所宜
作詩告司牧何以蕪烝黎

贈周鐵瓢布衣

昔年有客言鐵瓢我未詳問果阿誰但言有瓢形製古厥
狀無異瘿木爲萬事都付一瓢外唯有筆牀茶竈行相隨
初疑衡嶽狂道士一瓢乞食遊城市又疑雪嶺老頭陀一
瓢挂樹巢烟蘿吾儕會合不可料今日相看轉相笑平生
酷嗜酒與詩落拓寄壑乃同調昔日讀書耽壯遊酣吟曾
上黃鶴樓仙人天外一招手落盡梅花江水流片帆東來

沂江尾江上嬾雲吹不起斷塢殘碑弔六朝醉聽秋聲萬
松裏我從二月離江南有如稽生七不堪青藤一枝閑倚
著坐卧瑟縮如僵蠶君昔好遊動萬里胡亦淒淒少懽意
袖中一卷懷人詩擁鼻愁吟如老婢君不見山禽枝上呼
提壺肘後有瓢何不沾起坐拍銅斗爲女歌烏烏人生風
塵苦飄墮瞥眼年光敲石火白髮盈梳豈待人青山荷鍾
還埋我欲圖五嶽藏金箱眼前一事君差強向平可免婚
嫁累棕鞋桐帽便可來相羊官齋伴我十日住花乳半瓢
深夜煮何當攜此走成都同覓文君酒醺處

題畫蘭小幅

小閣窗明泥碧紗起來自展玉鴉叉素心一點渾難寄只

仿元人水墨花

折腳釵痕染麝煤如拳小石亦生苔天涯怨草知多少一
抹湘雲入畫來

爲張曼園秀才題虹橋泛月圖

邗上題襟笑語溫移舫春水別開樽二分新月白如夢一
帶遙山翠欲昏燕子歸時銜暝色蘋花多處聚風痕亭園
好借閒鷗鷺莫向烟波悄閉門

橫塘垂柳綠迢迢乍斷虹連未斷橋小閣隔花初上箔涼
鐙映水忽吹簫但聞露下衣香細始覺寒添酒力消畫出
江城好風景樊川禪榻太無寥

題伎堂品劍圖

拜石山房詩錄 卷三
低拍輕寒小院鐙鹿盧欄具護香牕莊生說倩蛾眉讀越
女書傳繭紙膽三尺屏風搖海色一簾花氣換霜稜公孫
弟子芬芳在底事蕭條感杜陵

夫文有七啟七發久矣詩亦有四愁五噫余於寓
齋無事不能泯所感喟作四慕詩

我慕侍御史殿上簪丹毫頭戴鐵柱冠凜凜生寒飈朝彈
五侯家慕徙三輔豪權貴皆側目燕雀睨皂雕一夕奏封
事論列辭萬條上言肅官常祿糈無倖邀下言敦教化民
俗回漓澆天子避席謝怖死懷中鶴

羽林本將種少年氣桓桓汗血五花馬馱以七寶鞍直入
驃騎營甲冑揖上官邊風獵枯草平沙浩漫漫主將戒深

入萬幕生蕭寒願募敢死士銜枚渡桑乾星月慘淡光繫
頸囚呼韓鏡歌聲動地兵氣皆騰懽歸取如斗印擲與徒
侶看

生平愛遊俠結交朱與郭有人相急難生死在一諾不耻
屠狗遊肆酒逞六簿客言不平事按劍起錯愕金吾嚴禁
夜三聽秋城柝忽然生暮塵赤棒吏被斫飛符急如電不
肯潛引卻花袍短後衣走馬滿京雒閉門匿逃亡有司不
敢索

又聞洛陽賈錢刀饒意氣百金買名花千金買姝麗賄賂
通王侯焜煌盛車騎重櫨翼彫雲高敞擬邸第犬馬厭梁
肉僮僕驕紈綺餘帛贈貧交置酒召鄉里絲竹紛駢羅擅

殺彈箏伎鐘鳴漏盡時歌舞猶未已
歐王封寓齋與鐵瓢夜話

客思無俚甚生涯付短吟新聲三孔遂古調一絃琴
燼燭風吹淚聽香灰到心幽懷欣所托何必有知音

羨女無家別高枝穩可依難忘烏返哺莫悵雉朝飛
野樹矜青骨孤雲自白衣秋風菽水上老去有漁磯

聽雨

飛雨年來過浙東許多題字怨梧桐只今身在山城裏始
憶瀟瀟水閣中

似儻張融岸上船十年况味在寒氈青鐙慣伴摧頽客此
夕天涯倍黯然

李家樓行館感賦示史季因秀才

誰解依人有好顏叅軍幕府語能蠻寥寥村舍人歌哭草
草關河夢往還一夜苦吟生白髮十年歸計在青山客衣
拚為緇塵污猿鶴端應笑我頑

賦贈高菴橋茂才即賀其新納姬人

豫東小醜昨跳梁徵符急下淮徐揚城中日日飛羽檄杼
秋縣古成巖疆河陽幕府得君佐

君隨朗齋師防禦蕭邑

仗劍登陣

望烽火擊柝宵隨邏卒行枕戈曉傍堠兵卧時平一一須
論功謝舅真得前賢風不因破賊乞汝墅馱來細馬桃花

紅三層繡閣藏姝媚不愛麒麟愛翡翠皆井分香入口脂
畫巖當戶脩眉黛

皆蕭邑古蹟

郎家茗谿妾汴隄何異溝

水流東西天為兩美作之合要令生兒如狻猊昔聞而翁
在荆楚夜治軍書至旁午詩成蠻徼繡弓衣筆力橫空迴
萬弩君才伉爽人不如何以至今未棄襦好傾盾鼻淋漓
墨歸倩雙鬟伴著書

秋夜懷人七律五首

禹航仙吏愛論文顧我風塵訝出羣去思應鑄天柱石歸
裝只辨洞霄雲衣裳曳葛憐霜訊鐙火添膏到夜分欲盼
賤名書淡墨秋風惆悵為劉蕡張蔣塘明府
從軍萬里隻身歸長佩高冠壯志違結客燕臺今雨散論
交吳苑曙星稀涼鐙水榭銀箏斷畫角秋城羽檄飛聞道
蠻天曾倚馬梅家詩句滿弓衣舒鐵雲孝廉

陵茗花落水邊樓一棹湖雲悵舊遊幾日開尊逢北海忽

然磨鏡感南州異書縱有皆經讀醇酒能銷未算愁片席

名山重握手萬松風雨各驚秋戴金溪比部敷文書院在萬松嶺時比部主講于此

湖海能豪肯伏雌少年温嶠有英姿豈徒手版隨塵吏喜

見樓船副水師酒後譚兵狂拓戟閣中岸憤坐吟詩婦翁

樂廣真冰鑑謂李忠毅公不媿千秋國士知陳璜溪司馬

之江同赴尚書約香火前緣一見中予與小穀同謁方葆巖先生于座上得相

見得句巧於荷上露有人誦向柳邊風芸臺中丞宴客萬柳堂席上有客誦

荷上露既分散後又重圓句清詩未減陳無已漢學爭

傳鄭小同謂其尊人穀陸先生一卷湖山銷夏集蹇驢掉尾各西東

王小穀孝廉

送良甫之婁東

前年君家愴風木隣舍新從簷尹卜數楹僦住城南廬知
 我生平往來熟連旬春雨寒淒淒出門百步不畏泥松花
 酒冽香出庫但飲米汁忘朝饑兩人苦吟有同病一束樺
 皮夜燒盡狂言我詩壓君倒其實不如心自省有時聯臂
 呼羊何謂楊伯夔繞湖十里皆菱荷船頭洗足坐吹蓬艣枝共
 咽如飛梭何來野鳥飛入室兩家主人不安宅里中小兒
 慣相輕去去齊門挾鳴瑟今年初自黃樓還有如逐客蒙
 賜環焚觚我效傅介子操牘君隨蕭大圓暫聚萍蓬忽吹
 散婁江遠樹黃雲晚覓食空爭雁鶩糧長腰米熟君應返

題蔣越生茂才蓬蒿三徑圖

十年蹤跡隨飄蓬還家急想半畝宮柴門請還俗士駕密
 徑祇許幽人通清晨埋頭看書卷樹影脩脩俗塵遠烹茶
 時喚青髯奴吠客不驚黃耳犬園中得見仲蔚家荆扉兩
 版萬綠遮長蒿過頭高一尺葉底有香清勝花昔年二仲
 山林友今我周旋歲時久眼前俱是未歸人畫出鄉心推
 妙手人生飄泊不足論松菊未荒人健存秋來皂筴量十
 斛去去老樹江南村余家門首有皂角樹一株相傳為數百年物

祇園精舍

寂寞禪扉叩夕陽十弓閒地有瓢堂路因曲折渾忘近境
 為蕭疎易得涼松樹老於枯佛壽葵花秋似病僧黃每聞
 烟磬聲流出一水城陰繞岸長

歐陽文忠公詩 余家廢園叢卉蕃殖動物孳生文首花翅跂跂脈
脈沙蟲小人莫盡情狀長夏無事爲詩嘲之山
谷有演雅篇余戲仿其體

驚雷破蟄蟲應候蠢蠢無知自婚媾向炎附熱悉奔湊喙
息跂行狀莫究水馬非馬不在廐蝸牛似牛不服輟有蟲
搏糞善逐臭有蟲尻高日低首螳蝦奮臂胡不胃蝟蠖勞
勞自馳驟蜘蛛設網徒眩瞖飛蛾撲燈昧去就蚍蜉撼樹
實紕繆花蚊飲血類醇酎蒼蠅逐食喜飮餌野蠶成絲不
堪繡黃蠶細腰螫莫救蜴蜥循牆善緣走卽且百足死不
仆蚓歌細細無節奏蟬聲嘒嘒沸清晝蝨魚耽書死句讀
活東識字矜篆籀不知春秋螻蛄壽螢火微光青一豆螟

蛉有子非汝後蟋蟀胡爲困猶鬪雖然微物脩諸陋小技
雕蟲藏巧詬

余旣肖昆蟲之情詩甫削草吾友伯夔適至見而
粲歎以爲刻畫太過几上餘墨未燥乃追而返
寶直和于之

我詩曲繪織屑情試爲昆蟲鳴不平糟餘半李廉且清峽
留點血致奇羸守宮不滅類守貞不欺暗室如宵行竹蟲
飲人自吐誠酒蟲在鼻顏易頰桃蟲拚飛羽翼成阜蠶跳
躍堅同盟銀蟬好書不近名紅蠶食葉絲交綳蜻蜒刻翅
花影明蠶脾割蜜甜如飴蝶衣紺翠仙骨輕蟬冠結束同
華纓蝦蟇入月倏上征蠅虎勇健看趨趨如虹之蟻何庚

庚元駒比象吁可驚蚍蜉塞遠未罷兵蠻氏觸氏戈甲橫
螻蟻一國復一城螻蛄穴處纏蕪菁醢雞徧處守盆罌么
麼么麼不虛生與世無患誠何爭我訝短篇始輟聲小蟲
叩謝頭敲鏗

皴雲石歌爲馬容海光祿賦

奇峰縹緲來何方石肌古色浮青蒼傳聞遠自桂林至瑰
寶直壓千琳琅當窗忽見雲重疊一片雲根萬雲葉外苞
碧蘚中有紋比似仙裘多皴褶其間欵識傳查君時當歲
宴思同羣一尊小飲不成醉閉門風雪顏微醺生平相士
眼有鐵握手風塵嘆竒絕無礙毛公困博徒未妨靈輒爲
行乞江湖兵火感生還脫贈綈袍比賜環十載吹簫向吳

市一朝伐鼓動蕭關天涯車笠相逢道旌麾甲仗多於草
劍佩人看國士風此時恨薄淮陰報蕭疎卉木滿平津東
閣開時館上賓柳署晝閒懸畫的槐街春暖吐車茵濃花
美竹尋常見風廊月榭非吾戀祇有魁梧石丈人滿身蒼
翠摩挲遍遊倦文園強告歸赭山西畔起樓臺離離蘸墨
留題在訝帶蒼涼海色來蒼涼海色迷歸處烟嵐記向炎
洲住移傍梅花處士廬曾依榆莢將軍樹小劫滄桑劇可
憐轉頭人奪灞陵田夕陽散漫牛羊下蔓老苔枯石自眠
百年蕉萃無知已幾人憑弔荒寒裏彷彿英雄失路時鳶
肩銷盡凌雲氣人間猶有馬相如家比奇章富積儲晴翠
滿檐閒拄笏青山對榻自紉書藤蘿翦盡莎萑剔輕皴不

異荆關筆疑向天邊墮石麟不因人世悲銅狄飲如河朔
氣橫汾千里王孫草正薰我贈石交詩有淚因風吹上廣
西雲

重九日阻風京口

寒濤一夜來廣陵望江樓外波層層曉看失卻瓜步市雨
絲織作千魚罾金山濛濛化空翠一墦烟際浮觚稜沙頭
老樹高百尺嫋裊忽若風中藤我舟欲渡不得渡如鳥折
翼思騫騰江豚得意頗軒怪肩背突出冀可乘心知此夕
是重九眼有高處誰能登石尤定厭往來數中道阻絕聊
取憎只今健在儘何益滿頭華髮愁鬢髻拾來肥蟹乏錢
買暫守殺戒同枯僧謬傳京口酒可飲直疑辨水嘗淄澠

催租喜乏俗吏擾詩成急向蓬窗謔

寄懷夢湘蘭厓竹畦諸弟

天涯萬里滯行裝屈指團團只幾霜巴蜀雲深愁木客長
安日近羨山郎弟於去年客秦中今又入蜀欲入賞為郎未果茱萸令節增惆悵
蒲柳先秋各老蒼尚喜未曾拋筆硯夜窗分火註丹黃時

楊蓉裳先生纂修蜀志故云

自家兄弟相師友骨肉還應論腑肝有限年華幾回別無
邊風雨一宵寒早聞賦好從人買何處書多可借觀簪到
黃花何所祝頭銜要換秀才官

依人小雁羽毛輕三泖烟波足寄生情性似渠耽寂寞文
章愁爾太聰明婿鄉轉笑夫隨婦客路何如弟覓兄恨不

同來京口住蓬窗鋪紙寫江聲時阻風京口弟工書善畫故語及之

千年老鶴骨已仙丹頂脫去身翩翩有時覓食類雁鶩爪

痕到處羅浮烟冬冬畫鼓烏烏笛共賞揚州二分月紙窗

清夢冷如冰除却顧郎惟老鐵橫枝直幹野不官使我鄉

思來無端辟疆小園萬香裏梅花作飯倘可餐

前時去題即齋師東閣官梅圖

小雪年光破蕊遲倚闌人傍最高枝琴尊東閣尋常事難

得風流五字詩

畢竟官梅異野梅樹根苔老翠成堆使君餉鶴清無俸支

取疎香十斛來

過康山草堂

彷彿風流杜牧之更饒百萬草堂貲梅枝峭作生香畫苔

翠光如秘色斃牛刺豪門乖素守十番腰鼓托心知琵琶

近日誰能手教唱當年樂府詞

將返梁溪留別鐵瓢

雨雪天涯旅髯麤年光去我似亡逋生平心力皆驢券湖

海交遊半狗屠佶偃歌詩苦寒調蕭疏畫卷北風圖道場

山下茗溪側好去千頭種木奴

書原作

鐵瓢 周 農

徐州草草又揚州客裏年華似水流歸去新詩呈阿姊

綠梅花映讀書樓蔣塘女兄羽素工詩著有綠煤影樓稿

淺水茱萸灣復灣半帆風雪送君還貧交無補行裝儉

媵與倪迂一角山余以雪山行旅圖贈行

書揚州十日記後

客窗風雨夜無聊野史閒緜恨未消城社生靈歸氣數水

天閒話屬漁樵居人寥落楚三戶遺老飄零郭四朝掩卷

鐙前感興廢如聞嗚咽廣陵潮

為越生題蘭雪小影

晴窗好買水沈熏妙墨新題白練裙除却國香誰第一閒

花多似過江雲

寒夜借鐵瓢看月

古月甘受凍比冰無裂紋梅緘香在骨藤鑄鐵為筋烏鵲

寒欲墮駕鵝饑叫羣闔門覓竒夢烟浪定汙汙

署齋即事

凍雲如怪石漏影似淡金時方感微陽何以敵老陰木葉

脫滿地高風獵枯林有竹寒蕭蕭自作吹器音有桐直饒

曉但恨不為琴東榮抱書坐萬物窮追尋眼中一寸鐵洞

穿古人心積力斗極高儲思滄溟深攬袖與之往安知世

浮沉城市得大隱何必遺朝簪

耿美人歌

美人不知其本姓七八歲時淪落于江

耿比長光艷照人而眉黛間常有恨色余在邢

上聞其名亟往視驚曰天上人也座客咸感歎

諸余為詩以傳之余既傷名花之失路而天之

待是至酷吳中豪商貴公亦無有憐而脫之者

美人歌

為作歌

商飈撼山大野白千里屯雲曉無色烟蕪不翦苦蓼繁朔
雁銜花照江國嬋娟黛眉愁空春延年惆悵歌中人幽怨
鸞吟學鷓鴣畫衫飄颻珍珠塵綃怕濕痕交隱隱低鬟自
泣衰蘭徑姮娥閒伴癩蝦蟇九葉靈芝依朽菌道旁朱槿
嬌著衣朝開暮落隨人飛癡郎走馬怪塘突刺手卻畏紅
薔薇晉陵書客感蕉萃願結芳根裁楚佩夢中起坐喚虬
鬚短褐焚香換沉水昨夜天風聞闖來聞買燕骨求龍媒
寄言雌蝶好厮守雙棲共上青陵臺

宋于庭學博以所傳秦州鞠烈女事見示

猗猗蘭蕙花叢叢棘刺荆棘無人鉏幽花守香死蘭固
不改香棘亦不改長吁嗟鞠氏女遇人胡不良告母母不

知告姊姊不耻鬱鬱矢貞心殘粧哭流水水濁不見天畢

命歸黃泉賢哉宋司鐸不得為民牧空有瓊琚詞千秋著

冰玉烈女家苦貧隨其母往依其姊姊夫狂且也數挑之
烈女度不能免乃投于河宋于庭學博欲究其事以

州牧不
欲遂寢

梅節母詩為桂丹盟孝廉賦

池山高池水列女尙書抱清節仙源本出梅尉家冰霜摧
折白玉花十載寒香餉雛鶴一朝飛去凌烟霞母仁慈子
廉孝一盂麥飯墓門前泣奠西風九原笑母為滂母子范
滂是母是子邦家光莫言報國徒文章

寄長君詩于洪家次莫言辭園封文章

蕭瑟一古交如舉口前豈真風火烈笑許以游世子孫

昔自正芬十拜建清詞為念一物與之與與與與與與

幽山高幽水深文幽竹幽幽竹幽竹幽竹幽竹幽竹幽竹

蘇東坡詩

水江

命體真泉前心入竹幽竹幽竹幽竹幽竹幽竹幽竹幽竹

賦書藏賦

賦書藏賦

拜石山房詩鈔卷四

錫山顧翰兼塘

為王二樵題小竹里館圖

幽人居似鶴安窩三尺檐低剪薜蘿風定綠窗吟在妥琅

玕紙小竹香多照合風電銀河劍苑香平許楚對不盡

萬竿瘦玉自泠泠夢裏斜山一角青莫道翠深容小隱詩

名先到竹西亭

余與鐵瓢友善故先耳君名

為萊莊題松塘蟹舍圖即做其體

白水青山舊結隣雙扉木版隱漪淪一年秋色歸漁艇三

泖烟波出酒人紅蓼開花扶瘦蟹綠楊縴線貫纖鱗他年

擬學天隨子同買蓑衣把釣綸

青鏡新磨百鍊銅，枯荷猶罨釣絲風。
門前霜落多棲雁，檻外江晴失斷虹。
詞客夢隨秋冷淡，故鄉天似水清空。
夜窗譜到爬沙曲，蟹火書燈一樣紅。

爲沈香蔭年丈題寒江釣雪圖

古人樂烟水垂釣，不釣名。放曠遺俗，累湛然心迹。清至今富春山客，星終夜明。丈丈能作達，早識軒冕輕。門前白鶴江孤，權鏡中行。眼冷風雪暖，世險波濤平。枯荻伐不盡，蕭瑟多寒聲。船頭歌斗笠，烟笛時一橫。予家射貴湖鄉，思日日生空。結塵土夢未遂，泉石情別來汀草長。節物令我驚頗聞歲豐稔，渚田熟香秔。安得秋放鴨還家，及老晴。

林潤之茂才招同汪菴田孝廉張曼園文學金芝

生陸萊莊同年潘古泉昆季集秋雨庵看梅萊
莊繪野寺觀梅圖因題其上

清晨折簡從逋仙，一籃輿肩。上肩樹頭殘滴聲未斷，曉雨欲晴成白煙。出城百步見佛屋，古榦橫斜綴團玉。入門低首讓花枝，座上共看中墊角。滿庭堆積蒼雲高，儘有竹葉兼松毛。凌空怒拔老蛟脊，擊出小樓如鶴巢。奚奴布席花陰下，釋子團蒲還許借。彷彿梅林敷坐時，玉版初肥如啖蔗。同來侗儻多酒人，芝生萊莊輩金皆善飲梅花一片酒十升。紛飛忽爾滿缸面，宛如綠水生漪淪。我雖戶小飲亦愛一杯，浮拍深如海。立背東風倒向西，餘香飽鯁心先醉。

扁舟澹容與帶水不可方坐攜兩卷書細字明湖光柳影
覆石橋竹雨鳴簷牀圍廊何曲折彷彿平泉莊選勝挈子
由如雁聚一行短髮梳長風孤雲落衣裳欲叩禪智寺鐘
魚正琅琅
古石挺蒼骨烟斑翠髮下
有澤蘭草上絡陵茗花敗
闌粘葢黃喧喧蜂放衙水
蟲撲暝烟翅薄如秋紗迴
流掉觥船綠瓢浮甘瓜沁
齒如嚼冰暑病倏已瘥便
擬綉銅絃一訪康琵琶
塔影卧晴瀾一枝自孤直
輕颺偶蕩漾宛宛千百折
菰蒲密葉交暗香不嫌隔
浮龜戲其陰儵魚亦爭出
菡萏三兩花已奪野鷗白
夕陽乍西趨便見挂圓魄
四展琉璃屏清

光在咫尺回首倚虹園臺榭儼界畫

贈沈叙軒司馬卽送其之袁浦

風情蕭澹氣蒼茫青眼相逢在蜀岡
渾渾黃河三郡水烏鳥畫角滿城霜
折花贈遠徒延佇對酒當歌自慨慷
上策正須煩賈讓從今不敢薄山郎

登黃樓作

昨夜波濤入我夢青燈孤館聲潺潺
今朝眼底愁突兀馬頭正對雲龍山
山圍水匝疑無地忽有高樓此中起
亭亭下建五丈旗城郭俯看如霧裏
是樓端合仙人居長松天半調笙竽
危隄菱槌河復後芒碭烽塵爭戰餘
羽衣小坐吹橫竹太白後來蘇玉局
只今又遠六百年我輩居然歡

會續有杖不拄放鶴亭有劍不掛戲馬臺野花斜插香滿
髻要看春風搖酒杯酒杯到手莫辭醉昔日賢豪復誰在
君不見臺前汴泗水交流日夜奔渾東到海人言吳越天
龍五世爲古泉題虹橋汎月圖
湖上畫船如畫閣水香多處倚簫吹風標公子能來否白
藕作花知待誰

遊聖泉寺

敝袍已褪三重緜登高健步同飛仙山靈厭我好攀陟濕
霧故遮峰半邊空濛蒼翠不辨路引入藉有樵風便幽花
背面垂斷坂野鳥得氣喧晴烟雲絲樹杪裊孤白頂上疑
有飛來泉山凹古刹誰所架窗櫺不怕松濤顛琉璃佛火

光變綠空中一苒懸秋蓮細水泠泠寫幽梵此音廉折如
小絃誰知雪竇在巖嵌滿貯百斛蛟龍涎鑑人毛髮清到
骨消渴不用茶烹煎且休汲水鳴甕盎容我枕流終日眠
張貫之司馬招諸同人集卧雲閣得遍觀其家法
書名畫賦贈三首

林雨初收宿霧昏愛招羣屐欵清尊入門啼鳥欣相賀竹
長新苞已有孫
延緣苔色上簾櫳四座都于積翠中歌几亂翻書葉響此
間真有古人風

石上棋枰分黑白壁間圖畫滿丹青林園一角如堪借合

署元家野史亭

時潘朗齋師方
屬余編纂蕭志

借金芝生沈夢塘陸萊莊諸同年登陶然亭

冠蓋滿京邑逍遙陟江亭非水得水意到眼皆空靈屈曲
入叢翠彷彿蘆荻汀涼生萬葉間無雨亦可聽石砌八九
級僧寮四五扇伊誰諷梵筴魚鐘韻流鈴衣袂野烟綠酒
缸山色青醅褐何處花因風扇幽馨金君愜閒曠袖攜山
海經沈生樂豪縱植筆如建瓴陸子靜且寧玉珮鏘瓏玲
以我獨鶴翅欣隨三鳳翎未得慕高舉惟知愛巖坳人海
掀波濤翮如載浮萍重來訪交遊疎若向曙星骨肉有離
異同袍又分形雖云無差池豈得久合并相逢且盡醉倒
卧雙玉瓶

過龍泉寺弔周筇雲

古寺招魂我獨行殘莎刺眼長烟萌青山跨虎成竒想黑
雨聞鴉是惡聲天令斯文傳後死佛留妙偈說無生記分
僧火看書夜倍覺羈懷夢易成

何南樓丈爲余言乾隆丙午曾見太湖水涸行十
餘里有竈一具及瓶罌數事質雖龕陋而古色
可愛旁鐫太康二年吁可怪也紀之以詩

東南具區稱巨浸釜甑何由雜鼃黽誰知昔日蛟鼉窟多
有當年舊廬井平田龜坼湖水乾鯢鯨徙宅奔狂湍螺蚌
無知同瓦石泥鰍亦復工屈蟠中有庖厨獨完好曲突紛
紛纏荇藻久無老婦祀先炊司命幾時能醉倒器留甌
兼盤盃翠綠欲與蝦蟇俱紋非刻鏤質麤古汙樽土缶思

唐虞欵志旁行無一匝篆籀縈迴饒古法似傳銅雀出漳
流恍記黃羊祠漢臘我觀時事值太康朝野數數多災祥
二年郡國十大水此間亦或爲汪洋晉時人物洵巨浪呵
護何煩到陶旄不愁苦窳與墾薜端正渾如出珊瑚君家
青山隣五湖怪事相傳今有無任伊世路爲陵谷一笑依
然踞竈觚

送侯葉塘鄭仲博兩同年返里

羈客京華共苦甘埽除短榻借禪龕摩天敢詡雙飛翼入
世原同八爾蠶閒訪舊聞尋柳冕喜抒新論比桓譚風塵
早覺時名薄擬選青山置枕函
眼看雞犬上雲霄叢桂淮南又見招問字且開新講帳吟

詩應悔舊題橋相逢戴笠愁衰髻只有征衫稱瘦腰不負
江鄉好風日綠槐陰裏聽鳴蜩

結束歸裝一裘輕家山南望暮烟橫燕雲黯黯人將去易
水蕭蕭馬忽鳴豈有流民煩鄭俠從教車騎惱侯嬴賣漿
販削今誰在沙月荒黃悵別情

春闈報罷與伯夔晤於涿鹿寓齋話舊各出近詩
伯夔用東坡歧亭韻五首見贈依韻奉答

雲苓松被斲厓蜜花釀汁欣欣有生意蒲葦多下濕人生
苦陵轍枉自矜一得再上春官書疲驢歸計急偶唱相逢
行齋厨宰豬鴨缸花影幢幢香篆烟幕幕城頭噪鴉鵲俄
見曉日赤吾儕年幾旬秋髮一梳白征衣自補綴鍼紉到

冠幘文章不偶世但可供歌泣手揮竹如意詎惜甌擊缺
何時反鄉里扃門謹謝客窮愁老著書不使塵全集
泊然淡世情若以指染汁畧已知酸辛唇吻未曾濕惟于
文字內自謂有心得枕書歲月深下筆風雨急淫哇諧里
耳喧聲亂鶯鳴君詩如元酒莎尊疏布冪刻畫隸籀間石
鼓文蒼赤有時變韶秀蒲青杏花白一編落我手浩歌脫
巾幘妙不在語言腑肺直欲泣古詩三百後風雅未淪缺
媿我負時名江湖謬詞客所爭在千古豈羨一品集
我性不解飲君復惡米汁譚久始呼茶聊使舌本濕一日
三過從作詩競新得清晨未櫛沐叩門如告急拏舟汎湖
漚水軟綠頭鴨野藕初作花細雨網絲冪迴廊倒寫影搖

澆迴闌赤單衣裁縞紵鷺鷥相對白散髮晞涼風裏頭不
用幘汲泉煮銅瓶中聽秋聲泣與君別來久幾度月圓缺
同爲失意人俱是未歸客抄書問宋五應有銷夏集

憶我千卷書竹簡火出汗憶我三椽廬伏雨愁爛濕頻年
鑽故紙隱几殊自得攸之識窮達進取悔過急荒園種蒿
苴廢沼養鳧鴨門前舊石井壞闌久勿冪節候值初夏風
乾日脚赤常恐小兒女嬉遊損嬌白念此胡不歸身世負
巾幘風塵幸參手發笑須輟泣生平良讌會得此補其缺
一燈同聚首誰是天涯客西窗倘繪圖真可勝雅集
終歲浪奔走苦類飲藥汁寤思岷江源心似水赴濕春風
蜀岡路見君意頗得祇負一囊書郵程星火急虹橋餞君

酒沙暖卧花鳴詩成不暇題壁空青紗羃羨君銘劍閣飛
薨斷霞赤羨君拜竹王荒祠暮雲白誰知多阻滯山鬼詫
冠憤古戍浮烽烟人家雜歌泣今喜風塵清何憂定省缺
相從萬里行竟願長為客不見入蜀詩可壓杜陵集其詞

涿州寓齋感賦示伯夔

幽齋卜築號團瓢閒傲元亭賦解嘲小徑繁香蜂釀蜜低
檐美蔭鵲爭巢功名决絕東西水患難相尋爾汝交好向
北風窗牖下葛巾消夏借書抄

畢竟心情愜隱淪悔拋泉石換浮塵白衣終老羅昭諫烏
榜逃名賀季真世上本無如意事吾儕况是別離人文章
只似鶯花劫風雨蕭條過一春

偕伯夔登涿州城樓

夕陽半明射城堞四月打頭飛木葉

時久亢旱草木有荅落者出門蠟

屐無好山差喜危樓高百級繞城三尺沙沒濠欲與廢壘
爭低高其間草木亦蕭瑟大抵苦竹兼黃蒿城中廬舍同
櫛比多少人家炊烟裏長風浩浩吹市聲雞犬翻疑在天
際城邊過客未卸裝尚聞鈴馱鳴郎當鴉羣頭上若過雨
歸鳥更比征人忙莫言王粲依劉久難得天涯逢好友遠
遊萬里縱飄零更上一層須抖擻年來頗覺心膽麤雲山
遮眼愁糊模明當與子臻絕頂俯看健鶻盤浮圖

華陽臺

荆卿屠狗豎忽作豪華遊置酒登高臺痛飲酣清秋纖手

落玉盤血浣真驕驕約誓報太子去斷讐人頭踞笑秦王
庭白日慘九州其事乃不立其志安得酬我來訪遺蹟悲
風撼松楸蛾眉與駿骨零落同一邱飲恨不能言易水鳴
咽流

督亢陂

上陂驅牛羊下陂藝稻梁云是古督亢昔傳膏腴鄉荆卿
西入秦繪圖來咸陽一觸祖龍怒卷甲趨燕疆遂令魚米
地變為麋鹿場誰知三月火如虎扼其吭力爭與豪奪理
或不久長時平漸開墾規畫得其方聞有居民訟時登刺
史堂

曉步入雲居寺借伯夔作

萬綠淨如水雙塔浮溟濛如有白衣人鼓柂烟濤中初陽
射林杪色與新月同鳥鵲寂不喧鈴語斷續風高幢般若
壇倚立支孤筇牆下碧絲草牆外蒼皮松屋角安石榴百
淡間一濃吾輩遊子遊正宜空門空安得摘露葵清齋從
誌公

喜雨

於役春徂暑日馭行南陸青陽不澤物朱鳥空唳啄庶彙
屈勾萌水衰不養木千里飛黃埃流亡堪楚矚息軫涿鹿
城沴氣正攫伏閉關禁屠宰石米錢一斛伐鼓祠靈元山
川空瑣瀆天公憐羸尪頗亦悔炎酷微風起兌位正合少
女卜膚寸一片雲停空如待族飄飄元武旗先掩陽烏腹

重陰旋四布密雨便滲漉須臾澤下尺原野俱霑足神功
儵收斂晴光漏解駁檐牙滴未休銅溝響琴筑泉迸散漫
流如蛇竄深竹濛濛炊烟濕桑柘變濃綠西山峨髻鬢久
病始櫛沐前村懽婦媪歌倡到羈角我田石不腴磽瘠難
生穀差幸潤詩脾有如仙露沃屋外聽鳴鳩柳陰聞叱犢
陳根今可拔書取汜勝讀

雨後偕伯夔登涿州城樓四望雲沙渺然西山涌
出如在綠海扶犁絡缶宛見淳古風物若不知
世之有塵壒也作爲後登城詩
昨登城樓望風沙浩茫茫歸來哦作詩詩格空清蒼凌晨
飛雨忽飄灑山翠半城濃似黛青藤手拄上女牆境好頗

嫌詩不逮太行西折連孟門亭亭中有波濤魂白雲堆滿
如積玉峰巒浮動疑無根上飛湍流下修竹斷處還將濕
烟續嵌巖短樹何童童鸚鵡翎毛無此綠前村種榆柳一
碧平如莎烏犍浮鼻渡遠水橐駝腫背行高陂危闌俯瞰
萬阡陌眉睫蒼然棲野色田疇區畫同郢方泱泱溝渠新
水活轉頭風俗成清淳熙熙皆是無懷民要知萬物食於
土一以膏澤爲精神安得國家湛恩汪濊有如此坐見山
河大地到處皆陽春

觀伯夔所藏陀羅尼經

竹窗過飛雨晝夢回清酣客况如僧閒禪愛書畫參子雲
眞解事持示青檀函落花不上簾竒香來海南誰縫千古

貝玉葉拖秋藍細繪釋迦像眉髮絲毵毵金光不定明凡
眼迷華曇妙寫陀羅經工楷如眠蠶一字一梵號真諦無
二三其言恒吉祥圓澈月在潭修之登福城壽佛證同龕
我生好元默白業性所諧妄念等凜雪栢葉忘苦甘惟有
文字緣每因結習耽風災兼鬼難往往生憂悵癡或未能
免何異嗔與貪久欲皈辟支歸結梅花庵此冊倘許借頂
禮焚伽備

寓齋夜坐與伯夔感話昔遊漏盡燭跋情不能已

伯夔賦憶舊懷人詩十二首余亦繼作并寄諸

同人

側身人海信沉浮燕薊風沙滿眼愁水折盧龍看繞郭山

園獨鹿勸登樓焚餘舊稿如琴尾遞到鄉書勝鶴頭插髻
野花空自好婆留髮短各驚秋

暫免征車逐轉蓬光陰依舊客愁中城頭壞堞崩蒼雉煙
外高臺掛白虹老柳心情愁陌路枯桑身世識天風他鄉
到處逢搖落又見秋梨遶地紅

長安旅舍客淒淒膠角牆邊感曉雞市上博徒呼采木墟
頭姹女壓紅梨蹇驢我自遮方麴駿騎人誰惜障泥欲爲
輕肥先避路莫教占道上沙堤

少年意氣劇飛騰卧聽吹簫到廣陵自寫竹枝唾越練記
描蘭葉畫吳綾香風冰麝三春市花月樓臺半夜鐙過眼
年光向誰訴一庵秋雨白頭僧

倉山風物六朝詩蒼塵譚元手自持

謂袁君蘭村

帆影石城尋

笛步江聲蘿閣拂琴絲蔣侯自負真青骨王掾當年乃白

癡一歲盍簪花事裏歌塵飛到月斜時

從來枳棘有鷓鴣况味清於苜蓿盤黃絹文章原小技烏

衣門第出卑官

時子山夢湘均已入賞為丞

曾經燕市傷搖落早向龍

堆識苦寒知否君苗欲焚硯幾番清淚下桑乾

三兩貧交臭味同哀湘激楚舊曾工

謂朗山湛之

鱸鄉老去推

亭長燕子重來識社公荷葉定如窗紙白橘枝應憶酒鐙

紅他年得遂湖山約更乞深盃與治聾

聞湛之患耳疾未愈

松墜枯釵竹亞枝寓公門徑四賢祠曉山淡似無聲畫春

水清於本色詩南渡君臣澆酒地西冷花鳥鑿錢時征人

一夜迷離夢化作湖心白雨絲

一例飄零有後先湖樓燒燭共離筵

北上時良甫送余于橫塘後亦赴閩

愁斷角經荒戍君愛奇峰入瘴烟病鶴春辭梅尉墓乾魚

晴薦幔亭仙定知憶着吳孃曲惆悵枕榔雨裏天

弟寒兄瘦幾星霜

謂蘭厓竹畦兩弟

此別真迴九轉腸菽水偏親

看色笑塵炊健婦費商量異書收拾防霉雨短巷蕭條畫

夕陽知汝火攻乘我急頗慙人說白眉良

百回宛轉結衣襟丸蠟難緘一片心北地燕支多黯淡南

天星斗自森沉堆來烟草空遮目吹盡風花不上簪涼夜

定增砧尺怨蘆簾原易感秋深

黃金一霎散燕臺贏得春衫染麝煤夜月南飛烏鵲少巴

山西去嶺猿哀

時擬借伯夔入蜀

早看太白消兵氣莫向昆明辨

劫灰任笑當壚衣犢鼻高軒負弩倘重來

天星半

題秦蘭臺州牧梁溪漁隱圖照風林不土替京外

一路潮痕接滄溪無多竹樹總凄迷鴉鳩乍喚濕陰重
蠓初鳴水草低香入午餐炊紫茜醉來卯酒圻紅泥正當
雪色鱗魚上鬆脆蘆芽又滿隄

風光最愛出西城古木叢祠暮靄橫
軋軋聲曾問渡迢迢烟唱不知名
尚留敗籬通新水更挂疎簷畫老晴
覓得樹根盤石坐晚涼梳髮十分清

幽泉入耳瀉潺潺慧麓園如碧玉環
瑣碎白花藤上屋蕭疎粉籜竹當關
詩題小紙風吹去人弄扁舟月載還
堪羨

微雲詞句好不須笠屐畫眉山

憶我湖頭舊釣磯青苔漠漠柳依依
波聲只向橋門出雲影都于水面飛

沙暖恰宜鷗鳥嬾雨香始覺藕花肥
何時歸去征衫脫消受當風白紵衣

遊邵村

傳聞古范陽清景饒郭北按索督亢圖
幽尋此焉得十里行水聲左右山在側
溪風颯然來炎曦澹無色亭亭蒼樹杪
引得孤烟直人家柳樊圃門徑殊曲折
戎葵瓣初黃蠶豆心早黑一架銀藤花
青翠紛如織移床就涼陰石几光乍拭
葉香能醉人恍已遊酒國有渠繚繞之
荷菱多淨植草長飛蚱蜢沙晴卧鷓鴣
村農貌腴古野處秀不匿餽遺

及包瓜誠樸無巧飾如觀漢陰叟忘機自種殖世人耗物
性未解躬稼穡終歲賦稻梁母乃類螟螣吾欲誦考盤
居當食墨一菜蔬蔬青翠綠味涼京劍不八光
非環亦非玦位置半浮沈波磔書中得規模畫土尋形如
懸吉玉骨欲鑄寒金莫令弓蛇影疑他一寸心尋十里
彷彿聞環珮幽人到訝遲窺檐斜燕剪上箔掛蠶絲蜀紙
題紅句隋宮瘞翠時梅花成舊識一色綴橫枝

竹閣垂垂映秋魂便欲仙柔荑惟爪屈斷藕有絲牽遠艇
浮湘水高鴻入楚烟晚晴纔半捲閣住夕陽天謝門出雲
綃櫳花隱約低露一痕孤婉婉香猶裊纖纖月不腴銀泥

塗蠶尾碧火照犀株小颺風鬢上憐伊有麗姝人志平

涿鹿寓齋立秋日作

誰吹夷則調變律作此寂寞無寥天梧桐一葉墮几上疑
是故人所贈青瑤牋蟲書繚繞百回讀令我相思鬢衰綠
朝來怪底肺病添定有商聲貯人腹三間屋借秋樹根滿
簾秋影不可捫卧看明月終夜白應有宋玉愁時魂

聞新蟬

客裏年華作意催青衫猶帶劫餘灰羨伊塵蛻輕輕換學
得仙人嘯樹來曹德齊

螳螂黃雀古今愁騷屑蒼烟絮未休齊女當年空怨命不
知鬢影只宜秋曹德齊

故園喬木照荒池重向西風借一枝自翳不妨殘葉小但
求清韻入聲詩

得萊莊書却寄

前年計吏與同車記踏槐黃弔望諸命屬幽花合憔悴詩
如落葉漸刪除一秋慣做鱸鄉夢千里遙傳雁足書共上
漢家封禪議茂陵猶有病相如

秋夜偶吟

老氣橫空白孤燈照壁昏美人真怨耦華髮是愁根冷露
銅仙淚秋風鐵騎魂水星垂樹杪惆悵獨開門

銅雀臺

譙郡東築精舍春讀書冬騎射四目兩口豈異人生平多

智復多詐董公而後君健者誰識蕭牆有司馬秋風蕭蕭
銅雀瓦宮中履綦無處賣

潼關

嚴關稱百二扼險獨峻嶒戍卒尚吹角少年多臂鷹山川
開灞滻風雨過嶠陵欲望秦時月危樓不可凭

借楊伯夔登萬壽閣望嶽

五岳比方鎮爭思霸諸侯太華峙西秦雄視壓九州列土
配西金肅氣橫清秋青冥固云高亦放出一頭我雖勇登
陟敢望不敢遊傑閣凌層霄如坐百尺樓烟巒正當面蒼
然與目謀峩峩蓮花峰蕊若碧玉抽風吹似搖蕩一朵雲
中浮晴空映綠水新月懸銀鈎不覩藕如船髣髴聞權謳

翩然見玉女擁髻垂珠旒積雪在其間似披白鳳裘冰泉
曼珮環檜栢撓旌旃娟淨儼膏沐潑翠方欲流奇偉稱巨
靈伸指排戈矛古石拆老拳洞谷破春梳攫拏虎出穴牙
角龍拔湫盤空鸛鶴悲挂樹獬豸愁松聲有餘怒萬壑鳴
颼颼蕩蕩青柯坪林木枝相樛磐陀置棋局藤蘿張蕙幃
雖云勢陡峭直可事夷猶名山不可名衆美豈勝收媿無
倚天筆足與茲山侔

自寶雞入棧途中雜詩

棧雲層疊映青泥古縣名猶記碧雞綠樹儘多鸚鵡語丹
崖安得鳳皇棲愁聽渭水波聲小悵望長安落日低今得
振衣千仞上不禁長嘯倚危梯

盤空磴道似旋螺馬首烟雲互盪摩山下有泉瘦婦汲林
中伐木蹇驢馱役夫喘息輿頻駐僮僕鄉音語屢訛祇是
秦聲獨慷慨時聞叩缶一高歌

不須人寄蜀當歸快意絲鞭試一揮嵌石小松青粒粒接
天高柳翠巍巍凌空磴道橫雌霓霓着色樓臺晝夕暉若把
峰巒比矛戟此身真已入重圍

終朝蹶鐵聽登登路到空岩響更磨山勢西來朝太華水
聲東下入嘉陵道旁怪石孤巖立天半松濤萬馬騰椰栗
一枝行脚健途中輸與打包僧

一帶陰森楓樹林猶疑苦戰陣雲深空山夜雨埋銅鼓古
廟秋風冷石琴黯黯青鐙山鬼語蕭蕭修竹暮猿吟綸巾

羽扇瞻遺像清淚無端忽滿襟
 萬壑千巖到眼前飛鳴雞犬亦神仙
 人行峽裏不知曉佛
 卧山中那記年柿葉紅於燒棧火嵐光青過煮鹽烟往來
 直似駢鸞鶴終日遨遊不下天
 矗立奇峰露劍鉞雄關直可一夫當
 泉流石上蛇涎膩風
 過林中藥草香濕霧盡如雲
 更聽深宵雨鈴語愁聞替戾岡
 何年巧匠鑿鴻濛直上烟霄徑路通滑足還愁太古雪吹
 衣須語小心風烟蘿繚繞孤松上飛瀑奔騰亂石中過客
 沿緣如上箔此間真可號蠶叢

馬道于癸酉秋為教匪焚掠至今村落彫敝為之

愴然感賦一首

秋風經馬道落日閉城闌破屋遭兵火平疇帶戰塵烏鴉
 爭廢樹狐兔出荒榛村落彫殘後相看一愴神

李烈女祠

烈女年十六田家女也癸酉秋為教匪
 吳抓抓所掠欲污之烈女厲聲罵賊遂
 被害事平當道聞於朝
 乃錫帑建祠而表其墓焉

花門小醜昨縱橫罵賊誰知有女嬰自掠雲鬟看雪刃拚
 將血淚染香纓氣如椒桂焚逾烈堅似瓊瑤碎有聲三尺
 碑題黃絹字冬青蕭瑟蓋新塋

川主廟

椒花紅荔支紫伐鼓鳴鐘饗公子羽人冠帔披鶴毳夜降
 靈旗照江水珠袍玉鞞騎天馬寶劍有光相激射木魅遁

形山鬼怕不逢雨雹宜禾稼感神昔鑿離堆破手束犀株
然碧火鐵索千尋毒龍鎖水與沙平不爲禍神禹由來生
石紐岷山導江向南走滌瀕瞿塘怒如吼過客乘船如榔
樞願神踏波更相抃

陰平

峻棧梯空上憑高鎖益州猿攀樹叫鷹鷂入雲愁我恨
譙周表人奇鄧艾謀悲風生地底草木各驚秋

揚子雲洗硯池

秋室當年少俗塵郎潛不厭在官貧元言覆瓿終傳後白
首懷鉛乃美新井市已更王氏臘鶯花猶屬漢宮春墨池
有水嘲難解惆悵先朝執戟臣

相如琴臺

荒烟零落野花開只有紅粧解愛才不見春風吹鬢影遠
山一角傍琴臺

惠陵

先主遺陵在天文應井躔象賢遺北地鴻業失西川夜雨
祠銅馬春風泣杜鵑君臣似魚水相見定淒然
楊蓉裳表丈招同汪寫園大令瞿壽伯李仲卿兩
公子楊湘槎上舍伯夔子山遊少陵草堂

少小慕公心欲狂七千里外來草堂折花爲贊拜詩佛階
下芙蓉初拒霜籬邊萬竹依然翠檐外長松幾株在眼前
樓閣見突兀添置軒廊亦瀟灑憶當斷手寶應年萬里江

聲來枕邊清秋釣水曲檻坐白晝看雲高閣眠未陽一去
成蕭瑟雨漲前溪夜流入壞瓦還同嚴武亭頽垣人誤揚
雄宅後來達官無武夫愛及丈人屋上烏爲尋舊址架欄
楯更蒔花木芟萊蕪一堂左右分昭穆好薦春蘭與秋菊
齊名當日山東李配享今朝劍南陸同來都是寂寞人散
步不驚陌上塵儘有行厨釘肴核却無寶馬喧車輪座前
敬奠一杯酒萬事淒涼莫回首心情浩蕩隨黃鵠世態浮
雲盡蒼狗先生痛飲真我師先生在上莫吟詩西風落照
前山暮弔古蒼茫立少時

秋夜

憶我山堂舊桂叢天涯尊酒幾人同星河影直侵高閣落

葉聲繁帶候蟲草草關津殘夢裏茫茫心事亂書中錦江
日夕秋濤起倘有歸帆吾欲東

九九銷寒圖

紙窗一夜風稜稜曉烟着紙寒於冰蕭齋何人呵凍墨跡
花墮影吹吳綾瓣惟五出數以九枝頭幽蕊隨時增古香
破臘作春意銅瓶汲水胭脂凝錯疑老鶴啄丹屑偶爾染
出剡溪藤近人作圖詎解此素絹急盼紅霞蒸玉缸但貯
酒百斛圍鑪撥火喧賓朋我輩冬心鎖常抱煮雪不知寒
可憎但須粉本煩好手銀紗四面懸春燈照我玉龍夜吹
裂高樓百尺人孤凭

訪青羊宮道士不遇

卅載風塵老歲華半生料量是烟霞閒尋方外原無事若
說仙人豈有家屐齒空粘青石髓洞門深鎖碧桃花松間
留得殘棋在入世知因一着差

秦蘭晚司馬以韻竹夫人詩稿見示

輕寒小閣柳絲絲聞道流杯舊有池瘦損眉稜螺黛綠一
春花底苦吟詩

蟬翼松烟舊榻收好硯繭紙做銀鈎南齊花草猶嫌俗愛
寫江聲入畫樓

下階小颭墨花幫羅袖還將沉水薰莫道深閨無粉本慣
從天末畫微雲

夜窗梅影一枝橫愛此新詩玉琢成讀罷月明霜滿地天

風吹下珮環聲

蜀人好巫與楚俗相類作神巫曲

去年疫厲多病人草車送鬼邀四鄰今年平安却無病得
神保佑當酌神童子柘枝打瓦鼓巫娘起著羅衣舞山花
插髻背面笑年少醉看如中蠱陰風慘慘神欲來一神後
有百鬼隨急焚芻狗傾樽鬪屋上火光飛白灰樹裏老鴉
夜驚起小兒駭走顏色異明日邀巫過西里爲兒賣去箔
上綿殺雞宰豕燒紙錢

百花潭

春潭冰始消演漾含烟華戢戢長蘆笋纖纖生蔣芽初日
不覺暖潭底明金沙危陂有老樹卧水有浮槎枒枒綴小

紅不知是何花石上踞白獺草裏蹲青蛙蛙不聒耳鳴獺
不驚魚鰕水鳥時時來嘴長尾髮髻顧見潭下影弄舌聲
嗟呀此潭雖小小杜陵昔矜誇愛其印月色澄澈無纖瑕
草堂在其北相望路非賒想見曳杖來頭戴笠子遮只今
遊客少三兩野人家

春悶

綠塵何事滿琴絃每見珠徽憶翠鈿一院殘花埋玉地三
春細雨絡絲天華年飄泊隨流水心事迴環認篆烟放下
簾鉤容午睡枕書權作小遊仙

錦江寓館

閉門却掃一春閑鎮日無人共往還詩思清於衣帶水愁

城堅似鐵圍山窺簾素月粧梅額隔院微風動柳鬟憶著
故園櫻筍節鄉心飛過畫眉關

賽將軍奉使衛藏夢湘弟意欲隨行詩以阻之

垂堂有遺訓之子過千金况懷膚髮愛登陟避高深去年
向瞻對鞍馬走駸駸地不過巴夔遠匪逾滇黔酋帥奮螳
臂固可唾手擒晨昏缺定省已傷慈母心將軍昨銜命節
鉞復西臨過行廓爾喀懸師責貢琛聞弟壯志在時時彈
劍鐔從軍豈云樂鑽紙媿書淫仰慕謝舅風戎服換朝簪

謂表丈楊
荔裳方伯

伐鼓舍衛國吹笳祗樹林我讀桐花集掩卷復
沉吟皮船渡弱水鐵索懸孤岑高峰數萬丈深礮一千尋
虎嘯山岳動龍潛洞壑陰六月更飛雪層冰立崎嶇樹杪

挂愁狄天邊落歸禽風吹人欲飛沙陷陸堪沉隨行有僮
僕不耐苦寒侵十有八九死委地無衣衾長征冒絕險叱
馭有良箴吾弟未筮仕尙鼓邱中琴何爲懷躁競遠想陟
嶠嶽太真昔勤王倉卒絕裾襟勲業在青史議者瑕德音
吾家門祚薄手足懼商參响沫非魚樂終勝遊金鸞致身
自有道植德神所歆莫怪少游言寶此如璆琳

江村

江白淨無沙江村三兩家輕烟飛蚱蜢淺水叫蝦蟆露氣
涼如雨草香清勝花攜竿何處釣隨意上浮槎

過楊椒山先生故里

行誼皆由性所安拏丹詎爲四遷官人驚大節蟠天地我

想孤忠泣肺肝石上莓苔琴漆古溪中流水劍光寒鈐山
堂廢存遺址可有行人下馬看

椒珠聯句

奇樹抱馨逸兼塘熱雨辛繁蒸蕉紅漏雲子伯夔刺赤攢

風稜葉靱堅且澤兼塘實穎久則徵烈性稟金氣伯夔入

膈攻寒凝制剋外炎燥兼塘溫養中清澄山薑味差淡伯

夔夔蒼葡臭莫勝蠻鄉瘴可辟兼塘武都物堪矜嗟棗花

蓓伯夔纍纍蔓葉藤銀磨巴女剪兼塘綵曳湘童繩脫手

九蠙珠伯夔噴鼻囊鵝綾紫星絲孰申兼塘丹露盤宜承

新梅綴的礫伯夔鮮荔紋斑鮫神雀遺敗殼兼塘嬌麝剔

掎肱撮久薰染拇伯夔緜乍芳服膺百八記牟尼兼塘大

小參經乘魚夢幻漚泡 伯夔 蟾隨啣消增影炫菩提紗 兼

塘 劫換毘藍僧一詰轉一語 伯夔 屢數屢相仍寶香無價

衣 兼塘 貫花不斷短幽芬息息吹 伯夔 凡卉日日薨五蘊

皈北宗 兼塘 六時禮南能智慧鸚鵡含 伯夔 靈活罔象憑

細纈如面縐 兼塘 循環識心恒隙明塵自淨 伯夔 垂下香

盆升是宜騷客佩 兼塘 那免俗情憎松鬣駢蒼塵 伯夔 芝

衫挂青繪雕鏤蛻核桃 兼塘 搓礪兜角菱圓鏞拾墜彈 伯

夔 短綫圻荒昏巧幻輸意匠 兼塘 元黃剖胚臄把卷薰三

笑 伯夔 行篋馥滿簦桐乳落古懷 兼塘 桂蕊粘孤凭吹埴

歌握貽 伯夔 再拜錫百朋 兼塘

藤釧聯句

蜀藤裊孤絲 伯夔 細筋勁于鐵初抽薔薇蔓 兼塘 交紐篋

笏節藕孔穿柔烟 伯夔 芝莖擢靈蕤迴風吹顛倒 兼塘 罨

雨影飄瞥葉敗山鬼衣 伯夔 綫纏神女碣弱愁猢猻援 兼

塘 細恐鮑鼠齧蒼篠紛蒙茸 伯夔 黝石嵌凹凸繚天巫峽

雲 兼塘 拂水瞿塘雪肢胍無憤驕 伯夔 附託必高潔上冒

鶴鶴巢 兼塘 下貫蛟虬穴緻理極妍紆 伯夔 聯絡在險絕

聊婉越葛采 兼塘 差比楚竹截游湘從文螭 伯夔 泛雪賦

雌霓媚淨儼月魂 兼塘 肉好異玉血譬持刀作鏡 伯夔 若

范金為玦仙心能宛轉 兼塘 佛光共圓徹被袂擬柳圈 伯

夔 辟邪勝桃菊四寸殺二分 兼塘 百雙重三鈞鏤管絨兩

頭 伯夔 弮弓合一缺落腕金匝匝 兼塘 籠袖香迷迭製稱

蕉衫輕伯夔形被簾鈎竊探環試攢指兼塘支枕防戲齧

露因拳蕙帳伯夔色肖泥檀屑挑錦瑩圓華兼塘印琰畫

瓜瓞弃付青蘿藏伯夔墜令絳樹掇徐泛朱絃琴兼塘叩

憂文鱗鏞妃儷絲縷繫伯夔縈迴古篆蕪勝賚銜壁錢兼

塘罷鑄鼓簧礪芍藥同贈貽伯夔瑤璫共羅列響奏茶甌

屑兼塘搖起簸箕舌飛英隨意拈伯夔薄髻當風刷野翠

笑菖蒲兼塘同心難縮結伯夔

六月初二日壽伯夔

夔是何怪物雲霄侔虹霓真宰雖至靈莫能測其奇爰命

赤嫫怒奔逐雷電馳左角右張箕口哆哆飛塵漲天火符

朱提倏忽墮地化為長離律應歸昌腹抱斗觶裸族狂駭

舌擣目迷訕訕諄諄指為鴟鴞啗啗味味比于鸞斯飲無

醴泉餐無華芝古桐摧為薪結巢從藿夷鳶雛嚇汝笑汝

饑汝能粥粥同伏雌我猶孤嶼鶴不受世網羈朝食蚶虺

暮啄蜚蠆自嫌無文章皎潔心不欺高舉慕儔侶與汝同

翺嬉釀花作酒果作糜纍纍白石可軟飴祝汝百年壽不

愆黃髮期自昔聖賢止于耆頤三彭小兒讒入骨肌汝無

久為天公厭使汝至老無息機不然令人怒致人疑面目

彫精光不殊魅與魑千尋建木扶桑枝吾將與汝同棲遲

醉爾千爵爾勿辭

爾爾于爾爾爾

風誅出不知想與想十尋我本非柔以弄探真意同對戲

入為天公通對好至去無息謝不似命一恐為人張面目

意黃變陳自昔聖賢五千言三法心良幾人骨肌皮無

曉散難於於原果幸與機樂白不而心計或近古平語不

暮烈畫戲自難無文章知窮心入世事舉進得古長好同

題好道強機用心以卷酸每與難不似出際謂得食相無

顛泉發樂華之古財斷為難難與不似大高難柳文笑此

舌齶目救出出事難法無無戲如百未難止于恐復為難



